

# Kapya môn̄ atu ba Pol hato hi Kolin

## Abô môn̄

Pol hato kapya êntêk hadên avômalô êvhaviŋ anên̄ Kolin. Kolin ma malak bên̄ ba anên̄ avômalô ma hatôm 600,000. Avômalô Kolin ethak idum sek waliliŋ bên̄ anôn̄ ba intu hathak abô Glik ma abô aêntêk, ‘Yahadum Kolin’, êŋ ma abô loŋ kapô te. Ma anên̄ ôdôn̄ nena, ‘Yahadum sek waliliŋ’.

Pol hamô Epesus ma halaŋô nena avômalô êvhaviŋ anên̄ Kolin ethak esopa kobom kambom takên̄ lôk evaki vose ba intu hato kapya êntêk hadên̄ thêlô. Ma Pol bôk hato kapya te hadên̄ thêlô ba thêlô vi miŋ eyala katô ami ba intu hato kapya êntêk hadên̄ thêlô ek injik anên̄ abô êŋ anên̄ ôdôn̄ thô êndên̄ i. Ma avômalô Kolin doho bôk enaŋ hik Pol liŋ hathak abô doho halôk kapya te atu ba bôk eto hadên̄ yani ba intu hato iniŋ kapya êŋ viyaŋ. Ma hato ek embatho iniŋ êvhaviŋ loŋ lôk hêv takatu ba bôk êv yak sa.

Hato kapya êntêk hadên̄ 55 AD la.

---

## Abô môn̄

**1** <sup>1</sup>Ya Pol ma Wapômbên̄ halam ya ba hadum ba ya habitak Yisu Kilisi anên̄ aposel hatôm anên̄ lahaŋiŋ. Yai lôk <sup>2</sup>alalôaniŋ aiyay Sostenes ato kapya êntêk ek môlô avômalô ôdôn̄ takatu ba ôêvhaviŋ Wapômbên̄ anên̄ Kolin. Kilisi hadum ba thêlô ibitak matheŋ ma halam i nena Wapômbên̄ anên̄ avômalô haŋiŋ avômalô luvuluvu takatu ba elam alalôaniŋ Anyô Bên̄ Yisu Kilisi anên̄ athên̄. Yani ma alalôaniŋ Anyô Bên̄ ma thêlôn̄iŋ haŋiŋ.

<sup>3</sup>Wakamik Wapômbên̄ lôk Anyô Bên̄ Yisu Kilisi nênem̄ iniŋ wapôm lôk labali êndên̄ môlô.

## Pol hanaŋ lamavi hadên̄ Wapômbên̄

<sup>4</sup>Wapômbên̄ hêv anên̄ wapôm hadên̄ môlô hathak Yisu Kilisi. Ba intu yahanay yaleŋmavi lôbôlôn̄ hadên̄ yani hathak môlô. <sup>5-6</sup>Yani lêk havatho Yisu anên̄ abô loŋ lôklokwaŋ hamiŋ môlô ba môlô ôêvhaviŋ

ba Wapômbêj lêk hangasô nô mavi halôk môlô kapôlômim ba hayô siŋ hatôm auk mavi lôk abô mavi. <sup>7</sup>Aêj ba môlô ma avômalô ôpôviŋ alalôaniŋ Anyô Bêj Yisu Kilisi anêj waklavôŋ endelêm ek injiki thô ba intu môlô miŋ ôêv yak hathak wapôm la ami. <sup>8-9</sup>“Yani dalam môlô ek numbitak Nakaduŋ Yisu Kilisi, alalôaniŋ Anyô Bêj anêj avômalô môlô lôk malêla takatu ba hanaŋ ma hatôm indum. Ba intu yani tem embatho môlô loŋ endeba anêj daŋ ek miŋ môlônim abô la ênjêk êndêj alalôaniŋ Anyô Bêj Yisu Kilisi anêj waklavôŋ ami.

### Avômalô êvhaviŋ êkôki

<sup>10-12</sup><sup>b</sup>Aiyaŋ thêlô, Kaloe anêj avômalô doho enaŋ hadêj ya nena môlô intu ôkôkam ba tomtom onaŋ nena, “Yêlô ma Pol anêj” ma vi enaŋ nena, “Apolo anêj” ma vi enaŋ nena, “Sipas anêj” ma vi ma “Kilisi anêj”. Ba intu aiyaŋ thêlô, hathak Yisu Kilisi anêj athêj ma yaleŋ hik ya nena miŋ nombak am vose ami ek nobaloŋ auk lôk kapôlômim doŋtom iyom.

<sup>13</sup>Aisê. Hatôm nombak Kilisi vose ni nenanena e? Mena ik ya Pol hathak alovalaŋaŋsiŋ ek môlô e? Mena môlô uthik ŋaŋ hathak Pol anêj athêj e? <sup>14</sup>“Yahathik Klispus lo Gaius iyom ma miŋ yahathik anyôla haviŋ ami ba intu yaleŋmavi anôj hadêj Wapômbêj <sup>15</sup>ek môlô te miŋ hatôm enaŋ nena yahathik môlô hathak yenaŋ athêj ami. <sup>16</sup>“Bôk yahathik Stepanas anêj avômalô doho. Ma injo betha bôk yahathik avômalô vi haviŋ la. <sup>17</sup>Odaŋô! Kilisi hêv ya ba yahalêm ek yanaŋ Wapômbêj anêj Abô Mavi ma miŋ hêv ya ek yasik avômalô ami. Yahadô yambuliŋ Kilisi anêj alovalaŋaŋsiŋ imbitak êtôm nô m oyaŋ. Ba intu miŋ yahanaŋ anêj Abô Mavi êj ek yandôk thêlô leŋjê êtôm ŋê lôk auk bêj ethak idum ami.

### Ŋê lôk auk bêj miŋ hêv ya sa ami

<sup>18</sup>“Ma avômalô takatu ba esopa loŋôndê ŋama elañô abô hathak alovalaŋaŋsiŋ êj ba esoŋ nena abô molo. Ma doŋtom alalô takatu ba Wapômbêj hêv bulubiŋ ayala nena nô m êj ma Wapômbêj anêj lôklokwaŋ. <sup>19</sup>“Hatôm bôk eto nena,

“Tem yambuliŋ ŋê lôk auk bêj iniŋ auk  
ma tem yambak iniŋ auk takêj pesa ba imbitak êtôm nô m oyaŋ.”

*Aisaia 29:14*

<sup>20</sup>“Ma ŋê lôk auk bêj lôk ŋê ethak lô m bêj lôk kêdôŋwaga takatu ba evaloŋ kapya auk bêj bôlôŋ êntêk, thêlô aisê? Wapômbêj hik thô nena auk bêj takêj habitak auk molo. <sup>21</sup>“Wapômbêj ma anyô auk mavi ba

<sup>a</sup> 1:8-9 1Te 3:13; 5:23; 5:24; 1Jon 1:3 <sup>b</sup> 1:10-12 Ap 18:24-28; 1Ko 3:4; Plp 2:2

<sup>c</sup> 1:14 Ap 18:8; Lom 16:23 <sup>d</sup> 1:16 1Ko 16:15 <sup>e</sup> 1:18 Lom 1:16 <sup>f</sup> 1:19 Ais 29:14

<sup>g</sup> 1:20 Jop 12:17; Ais 19:12; 33:18; 44:25 <sup>h</sup> 1:21 Mat 11:25

hadô ek avômalô neyala yani esak auk luvôniŋ. Aêŋ ba hawa abô molo ek nêŋ vi atu ba êvhaviŋ bulubiŋ. <sup>22</sup>Ma avômalô Israeŋ leŋiŋhaviŋ nêgê lavôniŋ ek nêŋemimbiŋ. Ma Glik êbôlêŋ auk lôŋ bêt ek nêŋemimbiŋ. <sup>23</sup><sup>i</sup>Ma doŋtom yêlô anar bêt nena Kilisi hama hathak alovalaŋaŋsiŋ. Auk êŋ habuliŋ avômalô Israeŋ ba intu êpôlik. Ma nê loŋ buyar elarô nena auk êŋ ma auk molo. <sup>24-25</sup><sup>j</sup>Wapômbêt anêŋ auk molo êŋ ma auk bêt ek nê pik iniŋ auk. Ma Wapômbêt anêŋ pulusik ma lôklokwar bêt ek nê pik iniŋ. Ba intu avômalô Israeŋ lo Glik ma avômalô loŋ buyar takatu ba Wapômbêt dalam i ma eyala nena Kilisi ma Wapômbêt anêŋ lôklokwar lôk anêŋ auk bêt.

<sup>26</sup><sup>k</sup>Aiyar thêlô, môlô lemimimbi esak sêbôk atu ba elam môlô. Avômalô lôkthô miŋ êyê môlô bêt anôŋ nena nê lôk auk bêt mena anyô lôkmaŋgiŋ mena anyô lôk athêt bêt te ami. Mi. <sup>27</sup>Wapômbêt hawa auk molo anêŋ pik ek nêŋ mama êndêt nê lôk auk bêt ma hawa nômkama pik takatu ba pulusikna ek nêŋ mama êndêt nê lôklokwar. <sup>28</sup>Ŋê takatu ba avômalô êyê hatôm yavoyav lôk nôŋ ôvathek lôk nôŋ oyar lomaloma pik êntêk intu yani dalam ek nêŋ auk bôlôn êntêk vê esak, <sup>29</sup><sup>l</sup>ek anyô late miŋ hatôm êmbôi imiŋ Wapômbêt ma ami. <sup>30</sup><sup>m</sup>Ma môlô ma Wapômbêt da hadum ba lêk ômô haviŋ Yisu Kilisi. Yani habitak hatôm Wapômbêt anêŋ auk atu ba hêv ek nêŋ alalô sa ek nêŋ kambom vuli lôk hapole alalô vê hêk kambom anêŋ ba lêk abitak thêthôn lôk matheŋ hamiŋ Wapômbêt ma. <sup>31</sup>Ba intu eto nena,

“Opalêla takatu ba êbôi ma nêmbôi esak Wapômbêt iyom.”

*Jelemaia 9:24*

### Pol hêv auk hadêt avômalô Kolin

**2** <sup>1</sup>Aiyar thêlô, sêbôk atu ba yahayô ek môlô ma yahanar Wapômbêt anêŋ abô takatu ba hik thô hadêt ya ma miŋ yahanar abô mavi mena auk mavi hatôm nê lôk auk iniŋ ami. <sup>2</sup>Mi anôŋ. Yahadum ek yanar abô esak Yisu Kilisi atu ba hama hathak alovalaŋaŋsiŋ iyom. <sup>3</sup><sup>n</sup>Yahamô haviŋ môlô ma ya anyô vau lôk bômko ma yahalowaliŋ bêt anôŋ. <sup>4</sup><sup>o</sup>Ma doŋtom Lovak Matheŋ da hik anêŋ lôklokwar thô ba yahanar abô ba miŋ yahanar hatôm nê lôk auk iniŋ abô ek yandôk môlô lemim ami <sup>5</sup>ek môlô nôŋemimbiŋ Wapômbêt anêŋ lôkliŋyak ma miŋ nê lôk auk iniŋ abô ami.

### Lovak Matheŋ hêv auk

<sup>6-7</sup>Ŋê talar elarô yêlôaniŋ abô hatôm auk bêt. Sêbôk bôlada ma Wapômbêt havuŋ auk nêŋ alalô bulubiŋ ek indum ba alalô nambitak

<sup>i</sup> 1:23 Lom 9:32; 1Ko 2:14    <sup>j</sup> 1:24-25 Kol 2:3; 2Ko 13:4    <sup>k</sup> 1:26 Mat 11:25; Jem 2:5

<sup>l</sup> 1:29 Ep 2:9    <sup>m</sup> 1:30 Jer 23:5-6    <sup>n</sup> 2:3 Ap 18:9; 2Ko 10:1    <sup>o</sup> 2:4 1Te 1:5

avômalô lôkmanjij. Ma yêlôaniņ auk êņ ma miņ hatôm nê bêņbêņ iniņ auk bôlôņ êntêk ami. Thêlô takêņ tem nênem yak. <sup>8-9</sup>“Hatôm bôk eto hathak auk êņ nena,

“Wapômbêņ bôk hapesaņ nômka ma yôv  
ek nêem ek avômalô takatu ba leņijhaviņ yani.

Ma doņtom maleņij miņ êyê nôm takêņ  
lôk leņôndôņ miņ elañô abô takêņ ami.

Ba intu avômalô êthôņ nôm takêņ paliņ.”

*Aisaia 64:4*

Ŋê bêņbêņ bôlôņ êntêk miņ eyala auk êņ ami. Bôk neyala ma tem miņ nijik Anyô Bêņ Lôkmanjij êņ vônô esak a ami. <sup>10-11</sup>Alalôaniņ dahôlôņij da hayala alalôaniņ auk. Ma Wapômbêņ da anêņ dahô hayala anêņ aêņ iyom. Ba intu Lovak Matheņ hayala nômkama lôkthô lôk hayê Wapômbêņ anêņ auk anôņ biņ ba lêk hik nômkama lôkthô thô hadêņ alalô.

<sup>12</sup>Wapômbêņ hêv anêņ Lovak Matheņ êņ hadêņ alalô ek nayala anêņ wapôm takatu ba hêv hadêņ alalô. Ma miņ hêv auk pik ami. <sup>13</sup>Auk takêņ ma Lovak Matheņ intu hêv hadêņ yêlô ba anañ bêņ lôk adôņ avômalô takatu ba êmô haviņ Lovak Matheņ hathak anêņ auk. Anyôla miņ hadôņ yêlô ba anañ abô êņ ami. <sup>14</sup>Lovak Matheņ hêv avômalô sa ek neyala Wapômbêņ anêņ auk. Ba opalê atu ba miņ hawa Lovak Matheņ ami hasoņ nena auk êņ ma auk molo ba intu miņ hatôm ititiņ ba eyala auk takatu ba halêm anêņ Wapômbêņ anêņ Lovak Matheņ ami.

<sup>15-16</sup> <sup>a</sup> “Ba opalê intu hayala Anyô Bêņ anêņ auk ba tem êndôņ yani? Mi.”

*Aisaia 40:13*

Ma ôpatu ba hawa Lovak Matheņ anêņ auk tem ititiņ nômkama lôkthô. Ma ôpatu ba miņ hayala Anyô Bêņ anêņ auk ami tem miņ ititiniņ alalô takatu ba awa Lovak Matheņ anêņ auk ami. Aêņ ba alalô ma awa Kilisi da anêņ auk.

### Avômalô Kolin evak i vose

**3** <sup>1-2</sup>“Aiyaņ thêlô, sêbôk ma môlô osopa avômalô pik êntêk veņijgwam ba osopa Kilisi hatôm amena kasek ba miņ oañ nôm thekthekek ami. Ba intu yahêv sum hadêņ môlô ba miņ yahanaņ abô hatôm nê bôk ilumbak yôv iniņ abô ami. Ba êntêk unum sum denañ e? <sup>3</sup>“Môlô othak udum hatôm nê pik ba môlô lemimdaņ lôk lemimņaņa <sup>4</sup>“ma ôdôņ yaņ enañ nena, “Yêlô ma Pol anêņ” ma vi enañ, “Yêlô ma Apolo anêņ.” Êņ ma hathak uik unim auk thô nena môlô ma nê pik.

<sup>5</sup>“Aêņ ba ya Pol ma opalê? Ma Apolo ma opalê? Yai ma Anyô Bêņ anêņ nê ku iyom! Yani hêv anyô tomtom da iniņ ku ba hêv yaianiņ ba intu môlô bôk ôêvhaviņ yôv. <sup>6</sup>“Yahavatho yaņvêk ma Apolo hathak hêv ŋaņ

<sup>p</sup> 2:8-9 Ais 64:4   <sup>q</sup> 2:15-16 Ais 40:13   <sup>r</sup> 3:1-2 Hib 5:12-13; 1Pi 2:2   <sup>s</sup> 3:3 1Ko 1:10-11  
<sup>t</sup> 3:4 1Ko 1:12   <sup>u</sup> 3:5 Ap 18:24   <sup>v</sup> 3:6 Ap 18:4-11,27-28

ma Wapômbêḅ da hadum ba yaḅvêk êḅ halumbak. <sup>7</sup>Ba ôpatu ba havatho mena hêv ḅaḅ thai luvi ma nôḅ oyaḅ. Ma Wapômbêḅ iyom intu ba nôḅ avanôḅ. <sup>8</sup>“Opalê atu ba havatho mena opalê atu ba hêv ḅaḅ, thai idum ku doḅtom ba tem neḅa vuli êtôm ida iniḅ ku atu idum.

<sup>9</sup>“Yai adum Wapômbêḅ anêḅ ku iyom haviḅ i ma môlô ma anêḅ unyak lôk anêḅ ku kapô. <sup>10-11</sup>“Wapômbêḅ hêv wapôm hadêḅ ya ba yahabitak anyô lôkmaḅḅiḅ ek yandav unyak. Ba yahalav landiḅ. Ma anyô vi etak pam thalôk lôk unyak vôn hayô hamô. Ma miḅ anyôla endav landiḅ yaḅda imbiḅ ami. Yisu Kilisi da intu landiḅ êḅ ba bôk hamiḅ yôv. Ba môlô ḅê ku tomtom noyabiḅ am katô ek nodav Wapômbêḅ anêḅ unyak êḅ. <sup>12-13</sup>“Waklavôḅ Idum Abô hayô ma tem injik ḅê ku takêḅ iniḅ ku sapêḅ êlêm yaḅ. Ma atum tem esaḅ anyô tomtom iniḅ ku ek êḅḅê nena elav unyak êḅ mavi mena kambom. Ba intu uik siḅ hathak gol mena seleva mena valu mavi mena alokwaḅ kapi mena kamuḅ kondaḅ mena sesalik la, ma hêk môlôda. <sup>14</sup>Ma opalêla takatu ba iniḅ ku elav unyak êḅ mavi ma tem neḅa vuli. <sup>15</sup>Ma ôpatu ba atum hathaḅ anêḅ ku ma tem miḅ enḅa vuli ami. Ma doḅtom bulubiḅ hamô ba tem nêḅ ôpêḅ vê êḅḅêk atum.

### Môlôda ma Wapômbêḅ anêḅ unyak

<sup>16</sup>“Môlô ma Wapômbêḅ anêḅ unyak mathêḅ atu ba yanida hamô kapô. Oyala nôḅ êḅ mena mi? Ma Wapômbêḅ anêḅ Lovak Mathêḅ hamô môlô kapôlômim. <sup>17</sup>Môlô ma Wapômbêḅ anêḅ unyak mathêḅ atu ba yanida hamô kapô ba intu loḅ êḅ ma mathêḅ! Ma ôpatu ba habuliḅ unyak mathêḅ êḅ ma tem Wapômbêḅ imbuliḅ ôpêḅ aêḅ iyom.

### Miḅ nobam anyô vi ami

<sup>18</sup>Miḅ môlô nosau am ami! Môlô lemimhabi nena môlô ma ḅê lôk auk bêḅ hatôm ḅê lôk luvôḅiḅ bôlôḅ êḅtêk, êḅ ma notak. Ma noḅa alovalaḅaḅsiḅ anêḅ auk molo ek numbitak anyô lôk auk mavi. <sup>19</sup>Auk pik êḅtêk ma auk molo hêk Wapômbêḅ ma hatôm eto nena,

“Yani havalôḅ ḅê lôk auk bêḅ hathak thêlôda iniḅ auk ba êv yak.”

*Jop 5:13*

<sup>20</sup>Ma abô yaḅ hanaḅ nena,

“Anyô Bêḅ hayala nena ḅê lôk auk bêḅ iniḅ auk ma anôḅ mi.”

*Kapya Yeḅ 94:11*

<sup>21</sup>Aêḅ ba miḅ nobam anyô te êḅmôḅ ek vi ami. Thêlô sapêḅ ma ḅê ku ek nêḅnêḅ môlô sa iyom. <sup>22</sup>Pol lo Apolo ma Sipas lôk pik êḅtêk ma lôk mala lo ḅama ma lêk lo embeḅ yam ma nôḅkama lôk avômalô ma nôḅ takêḅ ma môlônim iyom. <sup>23</sup>Ma môlô ma Kilisi anêḅ ma Kilisi ma Wapômbêḅ anêḅ.

“ <sup>3:8</sup> Mat 16:27    \* <sup>3:9</sup> Ep 2:20-22    † <sup>3:10-11</sup> Ais 28:16; 1Pi 2:4-6    ‡ <sup>3:12-13</sup> 1Ko 4:5

§ <sup>3:16</sup> 1Ko 6:19; 2Ko 6:16

### Kilisi anêṅ aposel

**4** <sup>1</sup>Aêṅ ba avômalô sapêṅ nêgê yêlô nena Yisu Kilisi anêṅ ṅê ku oyaṅ iyom ek ayabiṅ Wapômbêṅ anêṅ abô loṅ kapô atu ba hik thô hadêṅ anêṅ avômalô. <sup>2</sup><sup>b</sup>Aêṅ ba intu nayabiṅ ku êṅ mavi êtôm anyô hamôṅ ek ku. <sup>3-4</sup>Yakapôlôṅ miṅ hanaṅ ya bêṅ nena yahadum Wapômbêṅ anêṅ ku tomberṅ ami. Aêṅ ba môlô otha ya mena owa ya hi loṅ idum abô êṅ ma nôṃ oyaṅ. Ma yenaṅ auk miṅ hatôm ami. Aêṅ ba miṅ yahathô yada ba yahaya ami. Anyô Bêṅ da intu tem ititiniṅ ya. <sup>5</sup><sup>c</sup>Waklavôṅ Anyô Bêṅ endelêm ma tem imbi anêṅ deda êyô êṅjêk nôṃkama takatu ba havuṅi hêk loṅ momaṅiniṅ kapô ba injik avômalô iniṅ auk takatu ba hêk kapôlôṅiṅ thô. Ma wak êṅ ma tomtom tem neja iniṅ leṅiṅmavi êṅjêk Wapômbêṅ. Aêṅ ba miṅ nosa avômalô vi iniṅ ku ami.

### Avômalô Kolin thêlôda ebam i

<sup>6</sup><sup>d</sup>Aiyaṅ thêlô, bôk yahanaṅ hathak yai lôk Apolo ek nêṃ môlô sa ek lemimimbi abô êntêk “Nosopa abô balabuṅ atu ba eto,” nena miṅ nobam anyôla êmôṅ ek vi ami. <sup>7</sup><sup>e</sup>Ma opalê hatak môlô ba ubitak anyô bêṅ? Môlôda unim lôklokwaṅ ba owa auk e? Mi! Wapôm takêṅ intu hêv hadêṅ môlô. Ma aisê ka obam amda?

<sup>8</sup>Môlô lêk ubitak ôyô uṅlôv yôv e? Ma môlô lêk ṅê lôkmaṅiṅ e? Mena môlô lêk hatôm kiṅ e? Kikaknena! Alalô ṅê lôk iviyaṅ ba lêk môlô ubitak kiṅ ma tem yêlô aêṅ iyom! <sup>9</sup>Nôṅgô! Wapômbêṅ hatak yêlô aposel hatôm ṅê oyaṅ ba amiṅ piklêvôṅ ma avômalô lôk aṅela ititiṅ yêlô hatôm ṅê kambom takatu ba enaṅ nena, “Uṅgwik thêlô vônô.” <sup>10</sup>Yêlô ma ṅê auk molo hathak Kilisi e? Ma môlô ṅê lôk auk bêṅ hathak Kilisi e? Ma yêlô ṅê vau ma môlô ṅê lôkliṅyak e? Môlô ṅê lôk athêṅ bêṅ ma yêlô ṅê athêṅ mi e? <sup>11</sup><sup>f</sup>Sêbôk aleba lêk ma yêlô ama kisi lôk athakmuniṅ ma ik nôṃkama titip lôk ik yêlô ba epam mayaliv ba yêlôaniṅ malak namô mi. <sup>12</sup><sup>g</sup>Ma adum ku hathak baheṅiṅ aleba yêlô lêk vau. Enaṅ ek nimbuliṅ yêlô, êṅ ma yêlô êv leṅiṅmavi iyom. Iṅiti yêlô ba êv vovaṅ, êṅ ma yêlô amiṅ leṅvidôṅ. <sup>13</sup>Enaṅ abômapopak hathak yêlô ma yêlô anaṅ vijaṅ lôk labali mavi. Wak nômbêṅ intu sapêṅ ma yêlô hatôm matiṅyak pik lôk nôṃ ôvpalê.

### Pol lahaviṅ avômalô Kolin nesopa yani

<sup>14</sup>Môlô ma yenaṅ avômena takatu ba yaleṅhaviṅ ba intu yahadôṅ môlô. Ma miṅ yahato nôṃ takêntêk ek indum môlô mama ami. <sup>15</sup><sup>h</sup>Ṽêv haviṅ bêṅ anôṅ ethak eyabiṅ môlô, ma doṅtom lemambô doṅtom

<sup>b</sup> 4:2 Luk 12:42   <sup>c</sup> 4:5 1Ko 3:8   <sup>d</sup> 4:6 Lom 12:3   <sup>e</sup> 4:7 Lom 12:6   <sup>f</sup> 4:11 2Ko 11:23-27  
<sup>g</sup> 4:12 Mat 5:44; 2Te 3:8   <sup>h</sup> 4:15 Gal 4:19

iyom. Yada bôk yahanaŋ Wapômbêŋ anêŋ Abô Mavi hadêŋ môlô hatôm yahavathu môlô ba môlô ubitak Yisu Kilisi anêŋ avômalô. <sup>16</sup> Aêŋ ba yalenŋ hik ya nena nosopa yaveŋgwam. <sup>17</sup> Ba intu yahêv Timoti hathôk ek nêŋ môlô sa. Yani ma anyô ku anôŋ lôk yenaŋ okna atu ba hasopa Anyô Bêŋ ba yalenŋhaviŋ yani. Ma tem injik môlônim auk liŋ esak yenaŋ bôk lo loŋ atu ba hathak Yisu Kilisi ma yahadôŋ avômalô êvhaviŋ takatu ba êmô luvuluvu hathak. <sup>18</sup> Môlô doho osoŋ nena tem miŋ yasôk esak loŋbô ami ba intu môlô lemimôndôŋ kôtôŋ. <sup>19-20</sup> \*Nodaŋô katô! Wapômbêŋ anêŋ avômalô miŋ enaŋ hathak abô oyaŋ ami. Mi. Lovak Matheŋ hêv lôkliŋyak ba idum Wapômbêŋ anêŋ lahaviŋ. Anyô Bêŋ lahaviŋ ma tem yasôk ketheŋ ek yanŋgê nena avômalô takêŋ bôk ewa lôklokwaŋ êŋ mena mi e? <sup>21</sup> Lemimhabi aisê? Yasôk ek yambali môlô ek noja auk mena yasôk êtôm anyô yaô ek yanaŋ abô labalina?

### Nutiŋ nê sek êndôk kamuŋ

**5** <sup>1</sup>Yahalaŋô nena môlô avômalô dêvhaviŋ te hadum sek haviŋ lambô yanavi lukmuk lôbôlôŋ. Ma doŋtom nê daluk miŋ ethak idum aêŋ ami. <sup>2</sup> Aisê ka môlô ôbô am? Lemiminjikam ba nutiŋ ôpêŋ êndôk kamuŋ! <sup>3</sup> <sup>m</sup>Ya miŋ yahamô haviŋ môlô ami. Mi. Ma doŋtom yakapôlôŋ hamô haviŋ môlô hatôm lêk yahamô haviŋ môlô. Ma lêk yahanaŋ ôpatu ba bôk hadum kambom êŋ bêŋ yôv hathak Yisu Kilisi anêŋ athêŋ. <sup>4</sup> Aêŋ ba othak doŋtom, êŋ ma yakapôlôŋ lêk hamô haviŋ môlô. Ma alalôaniŋ Anyô Bêŋ Yisu anêŋ lôkliŋyak lêk hamô haviŋ. <sup>5</sup> <sup>n</sup>Ba nônêŋ ôpêŋ êndêŋ Ŋgôk Bêŋ ek imbuliŋ ôpêŋ anêŋ auk ek Anyô Bêŋ anêŋ Waklavôŋ Nindum Abô ma tem yani enja bulubiŋ.

<sup>6</sup> <sup>m</sup>Môlô ôbô am ma miŋ mavi ami. Lôk miŋ oyala nena yis doktena iyom hatôm êndôk polom bêŋ anôŋ kapô ba isiŋ bêŋ ami e? <sup>7</sup> <sup>s</sup>Sêbôk ma avômalô Isael ethak ik boksipsip nakaduŋ te ek leŋiŋhabi Waklavôŋ Hale ba Hi. Ma alalôaniŋ boksipsip nakaduŋ Waklavôŋ Hale ba Hi intu Yisu. Kilisi hama ek môlô ba intu lêk ubitak ôtôm polom lukmuk atu ba yis mi. Aêŋ ba nômbi unim kambom ni êtôm avômalô Isael ethak ibi yis bô hi ek leŋiŋhabi Waklavôŋ Hale ba Hi. <sup>8</sup> <sup>n</sup>Ba intu alalô leŋiŋimbi Waklavôŋ Hale ba Hi wak nômbêŋ intu sapêŋ ma nambitak êtôm polom atu ba anêŋ yis mi. Polom êŋ ma nôŋ anôŋ ba anêŋ lelaik mi. Ma yis bô atu êŋ ma adum kambom lo miŋ asopa Wapômbêŋ ami. Ba intu nabi ni.

<sup>9</sup> <sup>b</sup>Bôk yahato yenaŋ kapya hadêŋ môlô ek miŋ nômô imbiŋ nê takatu ba idum sek lomaloma ami. <sup>10</sup> Ma doŋtom miŋ yahanaŋ hathak avômalô pik êntêk ba idum sek lomaloma lo nê esau avômalô ba ewa iniŋ nômkama vani lôk nê paloŋ ma nê esopa ŋgôk ami. Mi. Ŋê takêŋ ma êmô pik haviŋ

<sup>i</sup> 4:16 Plp 3:17   <sup>j</sup> 4:17 Ap 19:22   <sup>k</sup> 4:19-20 1Ko 2:4   <sup>l</sup> 5:1 Wkp 18:7-8; Lo 22:30

<sup>m</sup> 5:3 Kol 2:5   <sup>n</sup> 5:5 1Ti 1:20   <sup>o</sup> 5:6 Gal 5:9   <sup>p</sup> 5:7 Ais 53:7; 1Pi 1:19   <sup>q</sup> 5:8 Lo 16:3

alalô ba natak i aisê? <sup>11</sup>Yenaŋ abô anêŋ ôdôŋ ma aêntêk. Ôpatu ba hanaŋ nena, “Yahêvhaviŋ Wapômbêŋ” ma doŋtom hadum sek lomaloma mena hadum palon mena hêv yeŋ hadêŋ ŋgôk mena hanaŋ abôma mena hanum waiŋ ba molo mena hawa vani. Anyô anêŋ aêŋ miŋ nonŋwanŋ nômu lo ômô imbiŋ yani ami. Dôlôk!

<sup>12</sup>Nosa ŋê takatu ba êmô avômalô êvhaviŋ kapô iyom. Ma miŋ nosa ôpatu ba miŋ alalôaniŋ te ami. Ku êŋ ma miŋ bôk êv hadêŋ alalô ami. <sup>13</sup>Aêŋ ba Wapômbêŋ tem indum abô ek ŋê daluk. Ba intu ŋê takatu ba indum kambom ma

“Nônêm i vê ênjêk môlô.”

*Lo 17:7*

### Kobom nepesaŋ malaiŋ

**6** <sup>1</sup>Aisê ka môlô doho lemimmaniŋ hathak môlô doho ma othak u ŋê daluk iniŋ loŋ idum abô? Yahasonŋ kambom hathak môlô uik kobom êŋ liliŋ! <sup>2</sup>Môlô oyala nena Waklavôŋ Idum Abô ma ŋê matheŋ tem nedaŋô ŋê daluk iniŋ abô. Môlô ŋê auk pulusik ba miŋ hatôm nepesaŋ malaiŋ pik lomaloma ami e? <sup>3</sup>Nodaŋô! Tem alalô nadaŋô aŋela iniŋ idum abô. Aêŋ ba malaiŋ pik lôkthô ma yaôna ek alalô nepesaŋ. <sup>4-6</sup>Môlô te miŋ anyô lôk auk bêŋ hatôm epesaŋ abô imbiŋ avômalô êvhaviŋ vi ami e? Ma ŋê êvhaviŋ yaŋ lamaniŋ hathak yaŋ ma môlô olam ŋê daluk ek nepesaŋ abô êŋ eka? Ijê daluk elanô ma môlô miŋ mama ami e? Aêŋ ba môlônim malaiŋ lomaloma hamô ma môlônim anyô bêŋ la miŋ hamô ami, ma nodam môlônim anyô hêvhaviŋ takatu ba athêŋ mi ek nedaŋô abô êŋ. Ma miŋ nodam ŋê daluk ami.

<sup>7</sup>Dô! Hu ek undum abô, êŋ ma hik thô nena lêk hôêv yak yôv. Ma anyôla habuliŋ o mena hasau o la ma ômô yaô. <sup>8</sup>Ma doŋtom môlôda intu udum tombeŋ êŋ ba osau môlôviyaŋ ba ubuliŋ i hamô ŋê daluk iniŋ loŋ idum abô.

<sup>9</sup>“Avômalô takatu ba idum kambom tem nêmu imbiŋ Wapômbêŋ êmu loŋ atu ba yani hayabiŋ, e? Mi anôŋ. Noyabiŋ am. Avômalô takatu ba idum sek lomaloma lôk êv yeŋ hadêŋ ŋgôk ma idum sek haviŋ anyô yaŋ yanavi lôk anyô da idum i lôk avi da idum i ma <sup>10</sup>vani lo palon ma inum waiŋ ba elo molo lôk enaŋ abôma ma esau avômalô ba ewa iniŋ nômkama vani. Ijê takêŋ miŋ hatôm nêmu Wapômbêŋ anêŋ loŋ lôkliŋyak ami. <sup>11</sup>“Sêbôk ma môlô vi udum kambom takêŋ haviŋ. Ma doŋtom Wapômbêŋ hathik môlô ba ubitak matheŋ lôk thêthônŋ hathak Anyô Bêŋ Yisu Kilisi anêŋ athêŋ lôk alalôaniŋ Wapômbêŋ anêŋ Lovak Matheŋ.

<sup>1</sup> 5:11 2Te 3:6; Tit 3:10    <sup>2</sup> 5:13 Lo 13:5; 17:7    <sup>3</sup> 6:2 ALK 20:4    <sup>4</sup> 6:9-10 Gal 5:19-21;  
Ep 5:5; ALK 22:15    <sup>5</sup> 6:11 Tit 3:3-7



### Alalôaniŋ leŋviŋkupik ma Lovak Matheŋ anêŋ unyak

<sup>12</sup> \*Môlô onaŋ nena, “Balabuŋ te miŋ havalonŋ ya lonŋ ami. Ba malêla takatu ba yaleŋhaviŋ yandum ma ya hatôm.” Ma doŋtom ya Pol yahananŋ nena auk takêŋ tem miŋ nêŋ ya sa ami ba yahadô nômlate eyabiŋ ya. <sup>13</sup> \*Môlô onaŋ nena, “Nôm eyaŋ hêv leŋsoam sa ma leŋsoam hêv nôŋ eyaŋ sa. Ma thai luvi ma nôŋ pik iyom ba Wapômbêŋ tem nêŋ vê.” Ma môlô osoŋ nena sek waliliŋ ma nôŋ oyaŋ hatôm nôŋ eyaŋ lôk leŋsoam e? Ma yahananŋ nena kupik ma Anyô Bêŋ anêŋ ek indum anêŋ ku. Aêŋ ba kupik lôk sek miŋ ethak doŋtom ami. <sup>14</sup> \*Wapômbêŋ da anêŋ lôkliŋyak hik Anyô Bêŋ liŋ ba tem injik alalô liŋ aêŋ iyom. <sup>15-17</sup> \*Môlônim lemvimkupik sapêŋ ma hatôm Kilisi da anêŋ liŋkupik bute. Môlô ôthôn auk êŋ e? Ma ôpatu ba hathak doŋtom haviŋ Anyô Bêŋ thai iniŋ dahôlônŋŋ habitak doŋtom. Ma Wapômbêŋ anêŋ abô bute hanaŋ nena,

“Thai tem nimbitak êtôm kupik doŋtom.” *Môŋ Anôŋ 2:24*

Aêŋ ba anyô te hathak doŋtom haviŋ avi sek te, êŋ ma thai lêk ibitak kupik doŋtom. Ma naja Kilisi anêŋ liŋkupik bute ba nanêŋ êndêŋ avi sek e? Mi anôŋ!

<sup>18</sup> Nôsôv ek sek waliliŋ. Kambom takatu ba avômalô ethak idum ba vi ma hêk kupik viyaŋ. Ma opalê atu ba hadum sek waliliŋ êŋ ma yanida habuliŋ anêŋ liŋkupik ba hadum sek hathak. <sup>19-20</sup> \*Môlô lemvimkupik ma Lovak Matheŋ anêŋ unyak matheŋ atu ba hamô kapô ba Wapômbêŋ da hêv hadêŋ alalô. Avanônŋ e? Ma hêv alalô vuli ba miŋ o anyô bêŋ ek oyabiŋ oda ami. Ba intu ômbô Wapômbêŋ esak lemvimkupik.

### Abô hathak ewa i

**7** <sup>1</sup> Yahato môlônim abô viyaŋ nena mavi ek nôŋ daluk ma miŋ noja avi ami. <sup>2</sup> Ma doŋtom avômalô ethak idum sek waliliŋ. Aêŋ ba mavi ek ŋê ewa i, anyô ênjêk imbiŋ yanavi ma avi ênjêk imbiŋ yamalô. <sup>3</sup> Ma anyô lahaviŋ ênjêk imbiŋ yanavi êŋ ma yanavi miŋ embasiŋ i ami. Ma yanavi lahaviŋ ênjêk imbiŋ yamalô ma yamalô indum aêŋ iyom ek malê nena ŋê lôk vênŋ iniŋ viyaŋ hêk. <sup>4</sup> Avi miŋ hayabiŋ yanida liŋkupik ami. Mi. Anyô hayabiŋ. Ma anyô miŋ hayabiŋ yanida liŋkupik ami. Mi. Avi hayabiŋ. <sup>5</sup> Ba intu ovasiŋ am, êŋ ma hatôm udum vani! Anyô hadum ek eteŋ mek ma miŋ bônônŋ ami. Enaŋ êndêŋ yanavi. Ma avi hadum ek eteŋ mek ma miŋ bônônŋ ami. Enaŋ bêŋ êndêŋ yamalô ba thai nêndôk am. Êŋ ma netak iniŋ êk haviŋ i êtôm wak vithê. Ma mek anêŋ daŋ ma nêjêk esak loŋbô ek Sadaŋ miŋ hatôm enja iniŋ thethaŋak ek êndôk thai leŋŋ

\* 6:12 1Ko 10:23    \* 6:13 1Te 4:3-5    \* 6:14 Lom 8:11; 1Ko 15:20; 2Ko 4:14

‡ 6:15-17 Mat 19:5; Jon 17:21-23; Lom 8:9-11; Ep 5:30    \* 6:19-20 1Ko 7:23; 1Pi 1:18-19

ami. <sup>6</sup> Miŋ yahavak balabuŋ te ek avi lo anyô miŋ nêjêk imbiŋ i wak la ami. Mi. Yahanaj ek yanêm môle nim auk sa iyom. <sup>7</sup> Yada ma anyô muk ba yalerhaviŋ anyô lôkthô nimitak êtôm yada. Ma doŋtom anyô tomtom da ewa iniŋ wapôm lomaloma halêm anêŋ Wapômbêŋ. Aêŋ ba nô m takatu ba Wapômbêŋ habi sam ma yaŋda yaŋda.

<sup>8</sup> Abô êntêk ba tem yanaŋ ma hathak aluŋ lo avi tôp. Mavi ek thêlô nê môle daluk êtôm ya. <sup>9</sup> <sup>b</sup> Thethaŋak miŋ êmbôk môle êtôm atum hathaŋ ami, êŋ ma mavi anôŋ. Aêŋ ba anyô te miŋ hatôm ipuki loŋ ami, êŋ ma enja avi.

<sup>10</sup> <sup>c</sup> Yahanaj abô êntêk ek avômalô ewa i. Avi te miŋ hatôm êndô yamalô ami. Abô êntêk ma Anyô Bêŋ anêŋ abô balabuŋ ma miŋ yenaŋ abô ami. <sup>11</sup> Avi hadô yamalô êŋ ma epesaŋ abô imbiŋ yamalô ma miŋ enja anyô yaŋ ami. Ma anyô aêŋ iyom.

<sup>12-13</sup> Yahanaj abô êntêk ek avômalô takatu ba ewa i ba yaŋ miŋ hêvhaviŋ Wapômbêŋ ami. Ba anyô te hawa avi te ba miŋ hêvhaviŋ Wapômbêŋ ami ma doŋtom lahaviŋ ê môle imbiŋ yani, ma miŋ êndô avi êŋ ami. Ma avi te hawa anyô te ba miŋ hêvhaviŋ Wapômbêŋ ami ma doŋtom lahaviŋ ê môle imbiŋ yani, ma miŋ êndô ôpêŋ ami. Êntêk ma yenaŋ auk iyom. Ma miŋ Anyô Bêŋ anêŋ abô balabuŋ te ami. <sup>14</sup> Anyô te hawa avi atu miŋ hêvhaviŋ ami, êŋ ma anyô anêŋ hêvhaviŋ hatôm nê môle avi êŋ lôk nali sa ba nimitak êtôm nô môle mabuŋ hêk Wapômbêŋ ma. Ma avi hawa anyô atu ba miŋ hêvhaviŋ ami ma aêŋ iyom. Ma mi, êŋ ma tem Wapômbêŋ ênjê nali takêŋ nena lelaik. Aêŋ ba miŋ ôndô vônim atu ba anêŋ hêvhaviŋ mi ami.

<sup>15</sup> <sup>d</sup> Ma howa avi atu ba miŋ hêvhaviŋ Wapômbêŋ ami ba hadum ek êndô o, êŋ ma otak yani ek ni. Ma howa anyô atu ba miŋ hêvhaviŋ Wapômbêŋ ami ba hadum ek êndô o, êŋ ma otak yani ek ni aêŋ iyom. Tem miŋ undum abô esak nô môle êŋ ami. Wapômbêŋ halam alalô hathak kobom namô maliŋyaô imbiŋ i. <sup>16</sup> <sup>e</sup> Ba injo. Yanavi tem nê môle yamalô sa ek imbitak anyô hêvhaviŋ mena yamalô nê môle yanavi sa ek imbitak avi hêvhaviŋ la.

### Alalô namô êtôm lôkmala atu ba Wapômbêŋ lahaviŋ alalô namô

<sup>17</sup> Hô môle aisê ba Wapômbêŋ halam o ma ô môle aêŋ. Êŋ ma hatôm Anyô Bêŋ anêŋ wapôm atu ba hik sam hadêŋ môle tomtom. Abô balabuŋ êntêk ma yahêv hadêŋ nê hêvhaviŋ lodôŋlodôŋ lôkthô. <sup>18</sup> Ôpatu ba bôk enŋgothe anêŋ kupik ba Wapômbêŋ halam yani ma ê môle aêŋ. Ma miŋ nepesaŋ anêŋ kupik esak loŋbô ami. Ma ôpatu ba miŋ enŋgothe anêŋ kupik ami ba Wapômbêŋ halam yani ma ê môle aêŋ iyom. Ma miŋ enŋgothe anêŋ kupik vê ami. <sup>19</sup> <sup>f</sup> Enŋgothe kupik lôk miŋ enŋgothe kupik ami, nô môle ju êŋ

<sup>b</sup> 7:9 1Ti 5:14   <sup>c</sup> 7:10 Mat 5:32   <sup>d</sup> 7:15 Lom 14:19   <sup>e</sup> 7:16 1Pi 3:1   <sup>f</sup> 7:19 Lom 2:25; Gal 5:6; 6:15

ma nôm oyaŋ. Ma nôm bêŋ ma nesopa Wapômbêŋ anêŋ abô. <sup>20</sup>Engothe anêm kupik mena engothe ami mena ewa avi mena miŋ ewa avi ami ba Wapômbêŋ halam o, ma ômô aêŋ. <sup>21</sup>Ma o atu ba anêm alaŋ hamô ba Wapômbêŋ halam o ma miŋ lemmalaiŋ andô. Ma doŋtom loŋondê la hêk ek otak anêm alaŋ anêŋ ku, êŋ ma undum aêŋ. <sup>22</sup>⁸Ba nê takatu ba iniŋ alaŋ hamô aleba Anyô Bêŋ halam i ma hatôm Anyô Bêŋ hapole iniŋ yak vê. Ma aêŋ iyom nê takatu ba miŋ êmô alaŋ la vibiniŋ ami aleba Anyô Bêŋ halam i ma Kilisi lêk habitak iniŋ alaŋ. <sup>23</sup>Wapômbêŋ bôk hêv môle vuli hathak vuli bêŋ ba miŋ anyôla habitak môle nim alaŋ ami ba intu leminjikam esak auk pik takêŋ ami. <sup>24</sup>Aiyaŋ thêlô, môle tomtom nômô êtôm aêsêbôk ba Wapômbêŋ halam môle. Môle owa am mena miŋ owa am ami mena engothe kupik mena miŋ engothe kupik ami lôk nê iniŋ alaŋ hamô mena iniŋ alaŋ mi, nômô aêŋ iyom ba nosopa Wapômbêŋ.

### Pol hêv abô hadêŋ avômalô muk

<sup>25</sup>Anyô Bêŋ lahiki hathak ya ba intu yenaŋ abô ma avanôŋ ek môle nônemimbiŋ. Êntêk ma yenaŋ auk hathak avômalô muk ma miŋ Anyô Bêŋ anêŋ abô balabuŋ ami. <sup>26</sup>Lêk ma malaiŋ lomaloma habitak. Aêŋ ba nômô êtôm avômalô muk ma tem nômô mavi. <sup>27</sup>Ôpatu ba lêk epesaŋ anêŋ abô ek enja avi ma miŋ êndô ami. Ma môle takatu ba avi mi miŋ nômbôlêm avi ami. <sup>28</sup>Ma howa avi, ma miŋ hudum kambom ami. Ma avi muk te hawa anyô, ma miŋ hadum kambom ami. Ma doŋtom môle takatu ba owa am tem nôpôm malaiŋ lomaloma êmô pik êntêk ba intu yahavatho môle loŋ ek miŋ malaiŋ takêŋ êpôm môle ami.

<sup>29-31</sup>⁹Yenaŋ abô anêŋ ôdôŋ nena pik êntêk tem êmô sawa bidoŋ iyom ba anêŋ auk lôk anêŋ nômkama lôkthô lêk idum ek nema. Ba opalê atu ba hawa avi, êŋ ma nôm mavi. Ma doŋtom lelimbi nena ewa i tem miŋ êmô wak nômbêŋ intu sapêŋ ami. Ma opalê atu ba lamalaiŋ miŋ undum ba malaiŋ êŋ eyabiŋ anêm auk ami. Ma nôm mavi miŋ eyabiŋ anêm auk ami. O atu ba hôêv vuli nômkama lomaloma miŋ nôŋgwêk lêlê esak nôm takêŋ ami. Nômkama pik nômbêŋ êŋ ma nôm mavi anôŋ. Ma doŋtom miŋ nôŋgô êtôm nômbêŋ ênjêk anêm auk ami.

<sup>32</sup>Yaleŋhaviŋ nena leŋhiki lomaloma miŋ embalon môle loŋ ami. Anyô muk lahiki hathak Anyô Bêŋ anêŋ ku ek indum Anyô Bêŋ lamavi. <sup>33</sup>Ma doŋtom anyô lôk avi lahiki hathak nômkama pik ek batu indum yanavi lamavi. <sup>34</sup>Ba intu yani lahiki hathak yanavi ma Anyô Bêŋ haviŋ. Ma avi tôp lôk avi muk ethak leŋhiki hathak Anyô Bêŋ anêŋ ku. Iniŋ auk nena nênem dahôlôŋiŋ lôk leŋviŋkupik êndêŋ Anyô Bêŋ. Ma doŋtom avi lôk anyô lahiki hathak nômkama pik ek indum yamalô lamavi. <sup>35</sup>Yahanaŋ abô takêntêk ek nê môle sa ma miŋ nê malaiŋ êndêŋ môle ami

⁸ 7:22 Plm 16; 1Pi 2:16    ⁹ 7:29-31 1Jon 2:17

ek mólô nôômô thêthôŋ ma miŋ nômla embalon mólô loŋ ami ek mólô nônêm kapólômim lôkthô êndêŋ Anyô Bêŋ. Ma miŋ yahanan ek êtôm yak embalon mólô loŋ ami.

<sup>36</sup>Ma ôpatu ba hapesan abô yôv ek enja avi muk te ba anêŋ thethanak hadum ek imbuliŋ avi êŋ ma ôpêŋ enja avi êŋ. Yani miŋ hadum kambom ami. <sup>37</sup>Ma ôpatu ba hapesan yanida anêŋ auk ma miŋ hasopa anyôla anêŋ auk ami ba hasopa anêŋ lahaviŋ iyom nena hadô enja avi muk, ôpêŋ hadum nôm mavi haviŋ. <sup>38</sup>Aêŋ ba ôpatu ba hawa avi muk hadum nôm mavi. Ma ôpatu ba hadô enja avi êŋ ma anêŋ malaiŋ ma yaô ba intu hadum nôm mavi anôŋ.

<sup>39</sup><sup>i</sup>Avi atu ba hawa anyô ba yamalô hamô lôkmala denan ma hatôm ibutiŋ thai loŋ endeaba anyô ema am. Êŋ ma hatôm enja anyô yan atu ba hasopa Anyô Bêŋ esak loŋbô êtôm yanida anêŋ lahaviŋ. <sup>40</sup>Yenan auk nena yani êmô daluk ma tem yani lamavi bêŋ anôŋ. Ma Wapômbêŋ anêŋ Lovak Matheŋ hamô haviŋ ya ba intu ya anyô lôk auk hatôm mólô.

### Ŋgôkba anêŋ nôm lôk ya

**8** <sup>1</sup>Yahanan abô êntêk hathak ŋgôkba anêŋ nôm lôk ya.<sup>k</sup> Mólô onan nena, “Alalô lôkthô ma ŋê lôkauk.” Mólônim auk êŋ hadum ba mólô ôyê am daŋ ba ubuliŋ avômalô êvhaviŋ vi. Ma mólô lemimhaviŋ avômalô takêŋ, êŋ ma tem nônêm i sa. <sup>2</sup><sup>i</sup>Mólô osoŋ nena mólô oyala nômkama lôkthô e? Mi. Mólô ôthôŋ auk anôŋ paliŋ! <sup>3</sup>Opalê atu ba lahaviŋ Wapômbêŋ ma Wapômbêŋ hayala yani.

<sup>4</sup><sup>m</sup>Yenan auk hathak eyan ŋgôkba iniŋ nôm ma aêntêk. Alalô ayala nena Wapômbêŋ ma doŋtom iyom. Ma ŋgôkba takatu avômalô êv yeŋ hathak miŋ Wapômbêŋ anôŋ ami. <sup>5</sup>Avômalô elam nôm lomaloma nena iniŋ ŋgôkba lo iniŋ anyô bêŋ. Aêŋ ba nôm takêŋ hatôm iniŋ wapômbêŋ lo anyô bêŋ. <sup>6</sup><sup>n</sup>Ma doŋtom alalô ayala nena Wakamik Wapômbêŋ yani iyom intu Wapômbêŋ ba hapesan nômkama lôkthô ba alalô abitak ek nandum anêŋ ku. Ma Yisu Kilisi yani iyom intu Anyô Bêŋ anôŋ ba Wapômbêŋ hapesan nômkama lôkthô hathak yani. Ma Yisu êŋ hadum ba alalô abitak Wapômbêŋ anêŋ avômalô.

<sup>7</sup>Ma avômalô doho miŋ leŋiŋhabi auk takêŋ hêk kapólôŋiŋ ami. Sêbôk ma thêlô eŋgabôm ŋgôkba anêŋ nôm ma lêk êdô ba esopa Wapômbêŋ. Ma doŋtom eyan ŋgôkba anêŋ nôm ma hatôm esopa ŋgôkba hathak loŋbô. Thêlôŋiŋ auk ma pulusikna ba intu leŋiŋmalaiŋ. <sup>8</sup>Avômalô takatu ba leŋiŋ malaiŋ hathak nôm êŋ ba miŋ eyan ami ma Wapômbêŋ miŋ

<sup>i</sup> 7:39 Lom 7:2-3    <sup>j</sup> 8:1 Ap 15:29    <sup>k</sup> 8:1 Avômalô Kolin ethak êbôk nôm ek êv da hadêŋ ŋgôk. Ma ŋê êvhaviŋ leŋhaviŋ nejan nôm takêŋ. Thêlôŋiŋ auk aêntêk nena êŋ ma miŋ wapômbêŋ anôŋ ami ba intu thêlô hatôm nejan. Aêŋ ba thêlô eto kapya hadêŋ Pol ek nedaŋo anêŋ auk.    <sup>l</sup> 8:2 Gal 6:3    <sup>m</sup> 8:4 Lo 4:39; 6:4; Gal 4:8    <sup>n</sup> 8:6 Ep 4:5,6

hatatale i ami. Ma mólô avômalô takatu ba oañ nôm lomaloma ma Wapômbêñ miñ habam mólô ami. Aêñ ba oañ mena ôdô ma nôm oyañ hêk Wapômbêñ ma.

<sup>9</sup>Aêñ ba o anyô hôêvhaviñ lôklokwañ, oyabiñ o! Anêm malaiñ mi ek noñgwañ ngôkba anêñ nôm ba hoañ êñ ma miñ oñañ êndêñ avômalô takatu ba auk pulusik ek nindum aêñ ami êña tem indum thêlô nêñem yak. <sup>10</sup>Hu malakba ba hoañ ngôkba anêñ nôm ma anyôla lamalaiñ hathak nôm êñ te hayê hoañ, hosonj nena hôêv yani sa ba tem eyala nena nôm êñ ma nôm oyañ e? <sup>11</sup>PÊñ ma hubuliñ yani ek endeni anêñ kobom bô esak loñbô ba anêm auk êñ habuliñ anyô hêvhaviñ pulusik atu ba Yisu hama ek nêm yani sa. <sup>12</sup>Anyô te anêñ auk pulusik ba hubuliñ yani êñ ma hudum kambom hathak Kilisi. <sup>13</sup>Ba intu yahañ nôm êñ ba habuliñ yenañ aiyañ ba hadum kambom êñ ma tem miñ yañgañ alim esak loñbô ami. Yakô yandum ba yenañ aiyañ nêm yak.

### Pol hadô vuli

**9** <sup>1</sup>Odañ! Abô balabuñ lomaloma miñ havalonj ya loñ ami! Ma bôk yahayê Yisu alalôaniñ Anyô Bêñ yôv! Ya ma aposel ba yada yenañ ku lôk Wapômbêñ anêñ lôklokwañ hadum ba intu mólô ubitak! <sup>2</sup>Avômalô doho êpôlik nena ya Pol ma miñ aposel ami. Ma doñtom mólônim ôêvhaviñ hik ya thô nena ya ma Anyô Bêñ anêñ aposel. Aêñ ba mólônim aposel ma ya.

<sup>3</sup>Avômalô doho ibi yaleñ nena yahabuliñ yenañ ku aposel ba yahêv yada kisi aêntêk. <sup>4</sup>Avômalô ethak êv nôm hadêñ yêlô hatôm nê lôk athêñ bêñ takatu ba idum Wapômbêñ anêñ ku. <sup>5</sup>Ma Anyô Bêñ anêñ iviyañ lôk Sipas ma aposel vi ethak ewa avi takatu ba êvhaviñ hatôm vênji. Ma yêlô hatôm nandum aêñ imbiñ. <sup>6</sup>Ma yai hatôm natak ku baheniñ ek nandum Wapômbêñ anêñ ku êtôm aposel vi. Ma mólô osoñ nena yai lôk Banabas iyom intu nê athêñ mi e? Mi. Yêlô lôkthô ma aposel iyom. <sup>7</sup>Îê vovak da miñ êv vuli iniñ nôm ami. Ma avômalô takatu ba idum iniñ ku ethak eyañ anêñ anôñ. Ma nê takatu ba eyabiñ bok ethak eyañ bok takêñ. <sup>8</sup>Abô takêñ ma auk pik e? Mi. Wapômbêñ anêñ abô balabuñ bôk hanañ <sup>9</sup>vba Mose bôk hato nena,

“Bok oks hadum ku ma miñ nokak abôlêk siñ ami.”

*Lo 25:4*

Ma Wapômbêñ lahiki hathak bok oks mena? <sup>10</sup>“Mi. Abô êñ ma hathak yêlô. Avanôñ! Abô êñ hathak yêlô opalêla takatu ba adum Wapômbêñ anêñ ku. Îê takatu ba ele ku lôk evatho ku, lôkthô êv maleñiñ ek nejañ

° 8:9 Lom 14:13-15; Gal 5:13    P 8:11 Lom 14:15,20    ° 8:13 Lom 14:21    † 9:1 Ap 9:1-9; 26:16; 1Ko 15:8-9    ° 9:2 2Ko 3:2-3    † 9:4 Luk 10:8    ° 9:6 Pol hayala Kolin iniñ auk lôkbañ ba intu havuñ abô ba hadô ek enja Kolin iniñ da. Aêñ ba hadum thêlô lenjmaniñ.    † 9:9 Lo 25:4; 1Ti 5:18    ° 9:10 2Ti 2:6

nôm. <sup>11-12</sup> \*Môlô othak ôêv avômalô ku vi sa. Ma yêlô avatho Wapômbêḅ anêḅ abô halôk môlô. Aêḅ ba awa nôm anêḅ môlô ma ôyê nena malaiḅ e? Mi! Yêlôaniḅ athêḅ hêk ba intu yêlô amôḅ ek naja môlônim nôm!

Ma doḅtom miḅ yêlô asopa loḅôndê êḅ ami. Ba awa malaiḅ lomaloma ek miḅ embasiḅ Wapômbêḅ anêḅ Abô Mavi ami. <sup>13</sup> \*Môlô oyala nena ḅê takatu ba idum ku hamô unyak matherḅ ma eyaḅ nôm takatu ba êv hadêḅ unyak êḅ. Ma ḅê takatu ba idum ku hamô loḅ êbôk da ma eyaḅ nôm takatu ba êv hatôm da. <sup>14</sup> \*Anyô Bêḅ bôk hanaḅ aêḅ iyom nena ḅê takatu ba enaḅ Wapômbêḅ anêḅ abô ma neja iniḅ nôm êlêm anêḅ iniḅ ku takatu ba idum. <sup>15</sup> Ma doḅtom yada miḅ bôk yahasopa loḅôndê takêḅ ami. Ma miḅ yahato abô êntêk ek môlô nobakôḅ ya ami. Mi! Yahama ma mavi ek miḅ yanêm malaiḅ êndêḅ môlô ami ek anyôla miḅ enja nôm takatu ba yahabam ya hathak vê ami. <sup>16</sup> \*Miḅ yahabam ya hathak yahanaḅ Wapômbêḅ anêḅ abô ami. Mi. Wapômbêḅ hêv ku êḅ hadêḅ ya. Ba miḅ yahanaḅ Wapômbêḅ anêḅ abô ami, êḅ ma malaiḅ bêḅ ek ya. <sup>17</sup> Yahapetenak ek yandum ku êntêk êḅ ma tem yanja vuli. Ma doḅtom miḅ yada yenaḅ auk ami. Ba intu yahadum oyaḅ hatôm yenaḅ ku atu ba Wapômbêḅ hêv ek yayabiḅ. <sup>18</sup> Vuli alête intu tem yanja? Yenaḅ vuli ma aêntêk. Yahanaḅ Wapômbêḅ anêḅ Abô Mavi ma miḅ avômalô nêḅnêm vuli ami. Êḅ ma hatôm yenaḅ vuli atu ba yahabam ya hathak.

<sup>19</sup> Aêḅ ba yabaheḅ miḅ ekak loḅ lôk anyôla miḅ hayabiḅ ya ami. Ma doḅtom yenaḅ auk nena avômalô lôkthô nimbatak yenaḅ alaḅ ek yanggik loḅôndê thô ek bêḅ anôḅ ini nesopa Kilisi. <sup>20</sup> \*Yahamô haviḅ avômalô Israeḅ ma yahabitak hatôm thêlô. Ma yahamô haviḅ avômalô esopa abô balabuḅ takatu êḅ ma yahabitak hatôm thêlô ek yandom i ini ek Kilisi. Ma doḅtom abô balabuḅ miḅ hayabiḅ ya ami. <sup>21</sup> Yahamô haviḅ ḅê daluk takatu ba iniḅ abô balabuḅ mi, êḅ ma yahabitak hatôm thêlô ba miḅ yahasopa alalô avômalô Israeḅ iniḅ abô balabuḅ lomaloma ami ek yandom thêlô ini êndêḅ Kilisi. Ma yahasopa Wapômbêḅ lôk Kilisi iniḅ abô ba intu eyabiḅ ya. <sup>22</sup> \*Ma yahamô haviḅ ḅê takatu ba iniḅ auk pulusik ma yahabitak pulusik hatôm thêlô ek yandom thêlô ini ek Kilisi. Yahasopa avômalô lôkthô iniḅ auk lomaloma ek auk anêḅ aêḅ ma hatôm yanêm vi dedauḅ sa. <sup>23</sup> Yahadum aêḅ ek avômalô lôkthô nedaḅô Wapômbêḅ anêḅ abô ba nesopa ek alalô lôkthô naja bulubiḅ.

### Nadaḅviḅ lôklokwaḅ ek nayô uḅlôv

<sup>24</sup> Avômalô takatu ba elañviḅ sapêḅ ewa vuli e? Mi. Ôpatu ba hamôḅ iyom. Aêḅ ba ondaḅviḅ ek onja anêm vuli aêḅ iyom. <sup>25</sup> \*Avômalô takatu ba ik mambêḅ ma ethak êdôḅ i wak nômbêḅ intu ek neja kuluḅ atu ba

\* 9:11-12 Lom 15:27; Ap 20:34; 2Ko 11:9    ḅ 9:13 Lo 18:1-3    \* 9:14 Mat 10:10; Gal 6:6

<sup>a</sup> 9:16 Jer 20:9    <sup>b</sup> 9:20 Ap 21:20-26    <sup>c</sup> 9:22 2Ko 11:29    <sup>d</sup> 9:25 Plp 3:14; 2Ti 2:4-5; 4:7-8

tem ekapok kethen. Ma doɽtom alalô adum ek naja kuluɽ atu ba tem êmô wak nômbên intu sapên. <sup>26</sup>Ba intu ya miɽ yahalaɽviɽ hatôm anyô halaɽviɽ mayaliv ami. Ma miɽ yahik vovak hatôm anyô hathak hik loɽ oyaɽ ami. <sup>27</sup><sup>e</sup>Mi! Yahik yaleɽviɽkupik ek batu yenaɽ auk pik etauviɽ. Yakô yanaɽ Wapômbên anên Abô Mavi êndên avômalô ba nênmimbiɽ ma yada mi.

### Yakô ek alalô nanêm yak esak saê

**10** <sup>1</sup><sup>f</sup>Aiyaɽ thêlô miɽ mólô lemimpaliɽ ami! Sêbôk ma alalôaniɽ bumalô esopa buliv lôk even ɽgwêk malêvôn. <sup>2</sup>Ma buliv lo ɽgwêk ithik thêlô ek injik thô nena thêlô esopa Mose. <sup>3</sup><sup>g</sup>Thêlô sapên eyaɽ nôm matheɽ atu <sup>4</sup><sup>h</sup>ma sapên inum ɽaɽ valu matheɽ atu ba haveɽ haviɽ i. Valu êɽ ma Yisu da. <sup>5</sup><sup>i</sup>Ma doɽtom Wapômbên miɽ lamavi hathak thêlô ami ba intu ema ba kupik hêk mayaliv hêk loɽ thiliv.

<sup>6</sup><sup>j</sup>Nôm takên habitak ek alalô leɽɽimbi esak ma miɽ imbisôk imiɽ alalô ek nandum kambom ami. <sup>7</sup><sup>k</sup>Bôk eto hathak thêlô nena,  
 “Avômalô êɽ esopa ɽgôk ba eloyeɽ hathak lôk eyaɽ ba inum ba idum sek lomalama.” *Etak Ijip 32:6*

Aên ba miɽ mólô nundum aên ami. <sup>8</sup><sup>l</sup>Miɽ alalô nandum sek waliliɽ êtôm bôk ba alalôaniɽ bumalô idum ba avômalô hatôm 23,000 ema wak doɽtom iyom ami. <sup>9</sup><sup>m</sup>Alalô miɽ natatale Anyô Bên êtôm avômalô vi atu ba bôk idum ba umya hathaɽ i pôpônô ami. <sup>10</sup><sup>n</sup>Ma miɽ nanaɽ abô munuɽmunuɽ êtôm bôk ba doho idum ba aɽela vovak hiki pôpônô ami.

<sup>11</sup>Nôm takatu ba bôk habitak hathak avômalô bôsêbôk ma eto ek alalô avômalô bôlôn êntêk atu ba lêk amô habobo pik lo leɽ anên daɽ leɽɽimbi katô ba nayabiɽ i. <sup>12</sup>Aên ba o atu ba hoson nena humiɽ lôklokwaɽ êɽ ma oyabiɽ o ek miɽ nêm yak ami. <sup>13</sup>Kambom hathak halôk avômalô leɽɽ ek nindum kambom. Ma hudum ek undum kambom ma Wapômbên tem miɽ imbuliɽ dôm ek o ami. Tem yani êmbôlêm loɽôndê ek otak auk êɽ ek umiɽ lôklokwaɽ. Ma tem miɽ etak o ek nêm yak ami.

### Miɽ nônm yey êndên Wapômbên ma ɽgôkba imbiɽ ami

<sup>14</sup>Aên ba aiyaɽ thêlô, nônm am vê êɽjêk ɽgôkba anên ku lo loɽ. <sup>15</sup>Mólô avômalô lôkauk ba intu nutitiɽ abô êntêk nena thêthôn mena mi e? <sup>16</sup><sup>o</sup>Kilisi anên thalaleɽ hadum ba alalô abitak doɽtom lôk anum ba leɽɽhabi hathak nôm mavi takatu ba yani hadum ek hêv alalô sa. Ma polom doɽtom êɽ ma hatôm Kilisi liɽ kupik ba intu alalô ɽgôli ba aɽ.

<sup>e</sup> 9:27 Lom 8:13; 13:14 <sup>f</sup> 10:1 Kis 13:21-22; 14:22-29 <sup>g</sup> 10:3 Kis 16:35 <sup>h</sup> 10:4 Kis 17:6; Nam 20:11 <sup>i</sup> 10:5 Nam 14:29-30 <sup>j</sup> 10:6 Nam 11:4,34; 1Ko 10:11 <sup>k</sup> 10:8 Nam 25:1-9 <sup>l</sup> 10:9 Nam 21:5-6 <sup>m</sup> 10:10 Nam 16:41-49 <sup>n</sup> 10:16 Mat 26:26-28

17<sup>o</sup>Ma alalô avômalô bêḅ anôḅ aḅ ek injik thô nena alalô sapêḅ lêk athak doḅtom haviḅ Kilisi ba abitak ôdôḅ te iyom.

18<sup>p</sup>Ma lemimimbi esak avômalô Israeḅ. Thêlô êv iniḅ da hadêḅ ḅê êbôk da ba êbôk ma sapêḅ eyaḅ nôḅ da êḅ ma hatôm ethak doḅtom haviḅ Kilisi ba ibitak ôdôḅ te iyom. 19<sup>q</sup>Ma yahanay nena ḅḅôk iniḅ nôḅ lôk alokwaḅ ma valu iniḅ athêḅ hêk e? 20<sup>r</sup>Mi. ḅê daluk êv da hadêḅ ḅḅôk. Ma ḅḅôk takêḅ ma Wapômbêḅ e? Miḅ yaleḅhaviḅ môlô nosak doḅtom imbiḅ ḅḅôk ami. 21<sup>s</sup>Miḅ hatôm nunum êndôk Anyô Bêḅ anêḅ tase lôk ḅḅôk anêḅ imbiḅ ami. Ma miḅ hatôm noḅgwaḅ ḅḅôk anêḅ nôḅ lôk Anyô Bêḅ anêḅ imbiḅ ami. 22<sup>t</sup>Hatôm alalô nadôk Anyô Bêḅ la ek ladaḅ e? Ma hêv vovaḅ hadêḅ alalô êḅ ma tem namô lôklokwaḅ ma miḅ nanêḅ yak ami e?

### Nambô Wapômbêḅ anêḅ athêḅ

23<sup>u</sup>"Môlô onaḅ nena, "Balabuḅ te miḅ havalôḅ alalô loḅ ami. Ba malêla takatu alalô leḅḅhaviḅ nandum ma hatôm." Ma doḅtom ya Pol yahanay nena nôḅkama sapêḅ tem miḅ nêḅ môlô sa lôk embatho môlô loḅ ami. 24<sup>v</sup>Ba miḅ lemimimbi oda anêḅ mavi iyom ami ma lemimimbi anyô vi iniḅ mavi imbiḅ.

25-30<sup>w</sup>Ma

"Nôḅkama pik lôkthô ma Anyô Bêḅ anêḅ."

*Kapya Yey 24:1*

Yahabô Wapômbêḅ ba yahaḅ lôk yaleḅmavi êḅ ma anyôla miḅ hatôm esaḅ ya ami. Yenaḅ auk nena yaḅgaḅ ma tem yaḅgaḅ. Ma yahadô ma dô. Anyô vi iniḅ auk miḅ havalôḅ ya loḅ ami. Aêḅ ba noja alim vathiap lôkthô atu ba ôêv vuli ba oḅgwaḅ. Miḅ lemim malaiḅ ami.

Ma ḅê daluk doho elam o ek nu noḅgwaḅ nôḅ imbiḅ i ba hudum ek nu ma miḅ onaḅ injik i liḅ ami. Noḅgwaḅ iyom. Ma doḅtom anyôla hanaḅ hadêḅ o nena nôḅ êntêk ma nôḅ ḅḅôkba, êḅ ma miḅ noḅgwaḅ ami ek nêḅ anyô daluk êḅ sa ek miḅ lamalaiḅ esaḅ o ami. Ma miḅ yahanay hathak ḅê êvhaviḅ ami. Mi. Yahanay hathak ḅê daluk.

31<sup>x</sup>Aêḅ ba oay mena unum mena udum aisê, nundum lôkthô aêḅ iyom ek nobam Wapômbêḅ anêḅ athêḅ. 32<sup>y</sup>Avômalô Israeḅ lo Glik lôk Wapômbêḅ anêḅ avômalô êvhaviḅ takatu, ma miḅ nundum nôḅmla ek nosale i thô ami. 33<sup>z</sup>Nôḅkama lôkthô atu ba yahadum ma yahadum ek yanêḅ avômalô vi sa ek neja bulubiḅ. Miḅ yahabôlêḅ nôḅ leḅḅmavi ek yada ami.

<sup>o</sup> 10:17 Lom 12:5   <sup>p</sup> 10:18 Wkp 7:6   <sup>q</sup> 10:19 1Ko 8:4   <sup>r</sup> 10:20 Lo 32:17; ALK 9:20

<sup>s</sup> 10:21 2Ko 6:15-16   <sup>t</sup> 10:22 Lo 32:21   <sup>u</sup> 10:23 1Ko 6:12   <sup>v</sup> 10:24 Lom 15:1-2

<sup>w</sup> 10:25-30 Sng 24:1; 1Ko 8:7; 1Ti 4:4   <sup>x</sup> 10:31 Kol 3:17   <sup>y</sup> 10:32 Lom 14:13

<sup>z</sup> 10:33 1Ko 9:20-22



**11** <sup>1</sup> <sup>a</sup>Yahasopa Kilisi ba intu nosopa yaveŋgwam.

**Pol hanaŋ hathak nendam leŋkadôk siŋ**

<sup>2</sup>Yahayê nena môlô miŋ lemimpaliŋ yenaŋ abô ami ba yahanaŋ abô mavi hathak môlô. Môlô ovaloŋ yenaŋ auk taksêbôk atu ba êdôŋ ya ba yahadôŋ môlô hathak.

<sup>3</sup>Yaleŋhaviŋ môlô noyala nena Kilisi ma hamô vuliŋ ek anyô ma anyô hamô vuliŋ ek avi ma Wapômbêŋ hamô vuliŋ ek Kilisi.<sup>c</sup> <sup>4</sup>Ba ôpatu ba hadum ek eteŋ mek mena hanaŋ Wapômbêŋ anêŋ auk bêŋ ek embatho avômalô loŋ ba hakôk kuloŋ, êŋ ma hêv mama hadêŋ Kilisi atu ba hamô vuliŋ ek yani. <sup>5</sup>Avi takatu ba enaŋ Wapômbêŋ anêŋ auk bêŋ ek embatho avômalô loŋ lôk eteŋ mek nendam leŋŋkadôk siŋ ma miŋ nekapiŋ leŋŋkadôk ŋauŋ ba popam ami. Edam leŋŋkadôk siŋ ami lôk ekapiŋ leŋŋkadôk ŋauŋ ba popam, êŋ ma hatôm êv mama hadêŋ ôpatu ba hamô vuliŋ ek i. <sup>6</sup>Avi atu ba miŋ lahaviŋ endam wakadôk ami êŋ ma nekapiŋ wakadôk ŋauŋ. Ma doŋtom nôm êŋ ma nôm mama. Ba intu avi nesak nendam leŋŋkadôk siŋ. <sup>7-9</sup><sup>d</sup>Anyô ma hatôm Wapômbêŋ da ba hik Wapômbêŋ anêŋ lôkmaŋgiŋ thô. Ba intu yani êkôk nômla êmô wakadôk ami. Anyô ma miŋ epesaŋ hathak avi lokwaŋ ami ma mi. Avi ma epesaŋ hathak anyô lokwaŋ. Miŋ epesaŋ anyô ek nêŋ avi sa ami, mi, avi ek nêŋ anyô sa. Ba intu avi hik anyô anêŋ lôkmaŋgiŋ thô. <sup>10</sup>Aêŋ ba avi nendam leŋŋkadôk siŋ êtôm lavôŋiŋ te ek aŋela nêgê.

<sup>11-12</sup>Avi ibitak anêŋ anyô. Ma avi evathu anyô ba intu anyô êlêm anêŋ avi aêŋ iyom. Ma doŋtom nômkama sapêŋ halêm anêŋ Wapômbêŋ. Ba intu avi takatu ba esopa Anyô Bêŋ miŋ hatôm nenaŋ nena, “Yêlô avi iyom ba yôv” mena anyô nenaŋ nena, “Yêlô anyô iyom ba yôv”. Mi. <sup>13</sup>Lemimhabi aisê? Avi miŋ edam leŋkadôk siŋ ami ba eteŋ mek hadêŋ Wapômbêŋ êŋ ma mavi e? <sup>14-15</sup>Alalô lôkthô ayala alalôaniŋ auk. Avi iniŋ leŋkadôk ŋauŋ hamô ek imbuliv leŋŋkadôk siŋ. Ma alalô anaŋ nena yani ma avi mavi. Ma doŋtom anyô atu ba wakadôk ŋauŋ daim yani tem mama. <sup>16</sup>Avômalô takatu ba êpôlik hathak abô êntêk nodanô! Yêlôaniŋ avi lôk avi takatu ba êvhabiŋ Anyô Bêŋ ba êmô luvuluvu ethak edam leŋŋkadôk siŋ ba intu môlô nundum aêŋ iyom.

**Kolin ibuliŋ Wapômbêŋ anêŋ nôŋ matheŋ**

<sup>17</sup>Môlô othak doŋtom ma miŋ udum mavi hadêŋ avômalô vi ami. Môlô ubuliŋ i ba intu ya miŋ hatôm yanaŋ abô mavi esak môlô ami.

<sup>a</sup> 11:1 1Ko 4:16    <sup>b</sup> 11:3 Stt 3:16; Ep 5:23    <sup>c</sup> 11:3 Abô Glik hathak “vuliŋ” anêŋ ôdôŋ yaŋ nena “lokwaŋ ta”. Aêŋ ba abô 11:3 haveŋ aêntêk. “Kilisi ma hatôm a anêŋ lokwaŋ ta ma anyô sapêŋ ma epesaŋ hathak Kilisi ba êtôm thaŋaŋ. Ma anyô hatôm a anêŋ lokwaŋ ta ma avi halêm anêŋ anyô ba êtôm thaŋaŋ. Ma Anyô Bêŋ hatôm a anêŋ lokwaŋ ta ma hêv Kilisi ba halêm ba hatôm thaŋaŋ.”    <sup>d</sup> 11:7-9 Stt 1:26-27; 2:18-23

<sup>18</sup> eYahalaŋô mólô ŋê êvhaviŋ othak doŋtom ma ovak am vose hi lodôŋlodôŋ. Yakô abô êŋ bute ma avanôŋ. <sup>19</sup> Yakô mólô osoŋ nena lodôŋlodôŋ êŋ ma mavi ek nêgê nena opalêla esopa Wapômbêŋ mavi ba hanaŋ mavi ma opalêla mi. Aisê? <sup>20</sup> Mólô othak doŋtom hatôm ŋê êvhaviŋ ma osoŋ nena oaŋ Anyô Bêŋ anêŋ nôŋ e? Mi! <sup>21</sup> Mólô doho ômôŋ ba ovasiŋ nôŋ ba oaŋ palonŋ. Ma doho ema kisi ma doho eyaŋ ba inum aleba leŋsoam bok. <sup>22</sup> Mólô unyak oŋgwaŋ lo nunum êmô mi e? Yakô mólô nôpôlik ek Wapômbêŋ anêŋ avômalô êvhaviŋ takatu ba nômkama mi ba ôŋgô i nena avômalô ôvathek. Ba yanaŋ aisê êndêŋ mólô? Yambam mólô e? Mi anôŋ!

<sup>23</sup> Anyô Bêŋ hadôŋ ya ba intu yandôŋ mólô aêntêk. Bôlôvôŋ atu ba tem nenaŋ Anyô Bêŋ Yisu bêŋ ma hawa polom <sup>24</sup> ma hêv lamavi ma haya ba hanaŋ, “Êntêk ma yenaŋ yalenŋiŋkupik ba yahêv ek nêŋ mólô sa. Nundum aêŋ ek lemimimbi ya.” <sup>25</sup> fEyaŋ vêŋ ma hawa tase te aêŋ iyom ma hanaŋ, “Êntêk ma tabô lukmuk atu ba yahavak hathak yenaŋ thalaleŋ. Waklavôŋ atu ba unum ma nundum aêŋ ek lemimimbi ya.” <sup>26</sup> Waklavôŋ mólô oaŋ polom êntêk lôk unum halôk tase êntêk ma hanaŋ hathak Anyô Bêŋ anêŋ ŋama lôk endelêŋ.

### Alalô nasô i ba naya vêŋmam ka naja Anyô Bêŋ anêŋ nôŋ

<sup>27</sup> sAêŋ ba anyôla hayaŋ lo hanum palonŋ êŋ ma habuliŋ polom lôk tase êŋ ba Anyô Bêŋ anêŋ liŋkupik lo thalaleŋ lôk ŋama habitak hatôm nôŋ oyaŋ ba ôpêŋ tem indum abô. <sup>28</sup> Avômalô idum ek nejaŋ polom lôk ninum êndôk tase êŋ ma nêso i ba neya vêŋmam ka nejaŋ. <sup>29</sup> Anyôla hayaŋ lo hanum nôŋ mathenŋ êntêk ma miŋ lahabi Yisu Kilisi liŋkupik lôk anêŋ avômalô ami, ôpêŋda hadum ba tem Wapômbêŋ nêŋ malaiŋ êndêŋ ôpêŋ. <sup>30</sup> Aêŋ ba intu mólô doho lokwaŋ mi lôk ôpôm liŋiŋ ma bêŋ anôŋ ema. <sup>31</sup> Ma doŋtom alalôda nasô i ba naya êŋa Wapômbêŋ miŋ hatôm indum abô ek alalô ami. <sup>32</sup> hAnyô Bêŋ hanaŋ alalô bêŋ ba hêv malaiŋ hadêŋ alalô ek êndôŋ alalô ek pik lo leŋ anêŋ daŋ atu ba Wapômbêŋ hêv avômalô pik vê ma tem miŋ nêŋ alalô vê imbiŋ ami.

<sup>33</sup> Aêŋ ba aiyaŋ thêlô, waklavôŋ atu ba mólô ôlêŋ othak doŋtom ek oŋgwaŋ, êŋ ma noyabiŋ mólôviyaŋ. <sup>34</sup> Ma mólô doho oma kisi ma oŋgwaŋ nôŋ êmô unim unyak vêŋ ka nôlêŋ nosak doŋtom ek miŋ abô la êpôm o ami.

Wak alê atu ba yahathôk ma tem yanêŋ auk doho imbiŋ.

### Lovak Mathenŋ anêŋ wapôm lomaloma

**12** <sup>1</sup> Aiyaŋ thêlô yahadum ek yapesaŋ mólônim auk lokbaŋ takatu ba hathak wapôm lomaloma atu ba Lovak Mathenŋ hêv hadêŋ

<sup>e</sup> 11:18 1Ko 1:10-12 <sup>f</sup> 11:25 Kis 24:6-8; Hib 8:8-13 <sup>g</sup> 11:27 Hib 10:29

<sup>h</sup> 11:32 Hib 12:5-6

avômalô. <sup>2</sup> <sup>i</sup>Sêbôk ba môlô avômalô daluk ma elom môlô hi mayaliv ek ôêv yeŋ hadêŋ nôŋ takatu ba miŋ hatôm enaŋ abô ami. <sup>3</sup> <sup>j</sup>Aêŋ ba yanaŋ êndêŋ môlô nena Anyô Bêŋ anêŋ Lovak Matheŋ hayabiŋ anyôla, êŋ ma tem miŋ yani esaŋ Yisu ba enaŋ abôma ami. Ma Lovak Matheŋ iyom intu hatôm indum ôpêŋ ba enaŋ nena Yisu ma Anyô Bêŋ.

<sup>4</sup> <sup>k</sup>Wapôm ma lomaloma ma Lovak Matheŋ ma doŋtom iyom intu hêv. <sup>5</sup> Ma kobom nêŋem avômalô sa ma lomaloma ma Anyô Bêŋ ma doŋtom iyom. <sup>6</sup> Ma ku lomaloma hêk ma doŋtom Wapômbêŋ ma doŋtom iyom intu hêv lôklokwaŋ hadêŋ avômalô lôkthô ek nindum.

<sup>7</sup> Lovak Matheŋ hadum ku hamô anyô tomtom ek hêv alalô sa ek namô mavi imbiŋi. <sup>8</sup> Anyô yaŋ ma hêv Wapômbêŋ anêŋ abô auk lôkmaŋgiŋ ek enaŋ bêŋ. Ma yaŋ ma Lovak Matheŋ êŋ hêv auk eyala Wapômbêŋ anêŋ auk lomaloma. <sup>9</sup> Ma te ma hêv auk hêvhaviŋ lôklokwaŋ. Ma te ma hêv lôklokwaŋ ek nindum anyô lijiŋ mavi. <sup>10</sup> Ma te ma hêv ek indum nômbithi lôklokwaŋ ma yaŋ ma enaŋ Wapômbêŋ anêŋ auk bêŋ ek embatho avômalô loŋ ma te ma hatitiŋ ŋê evatho avômalô loŋ hathak iniŋ ku ma te ma hêv abô masôm hadêŋ avômalô ma te ma hêv auk ek enaŋ abô masôm takêŋ anêŋ ôdôŋ bêŋ. <sup>11</sup> <sup>l</sup>Ku takêŋ lôkthô ma halêm anêŋ Lovak Matheŋ doŋtom êŋ iyom ba hêv hadêŋ anyô tomtom hatôm yanida anêŋ lahaviŋ.

### Alalô lôkthô ma kupik doŋtom êŋ anêŋ lôbôlôbô

<sup>12</sup> <sup>m</sup>Kupik ma doŋtom iyom, ma doŋtom anêŋ lôbôlôbô hamô. Anêŋ lôbôlôbô takêŋ ma bêŋ anôŋ, ma doŋtom kupik doŋtom hayabiŋ. Ma Kilisi da anêŋ aêŋ iyom. <sup>13</sup> <sup>n</sup>Alalô lôkthô athik athak Lovak Matheŋ doŋtom ba abitak kupik doŋtom, avômalô Israeŋ lôk avômalô Glik ma ŋê lôk alaŋsi lôk ŋê alaŋsi mi, alalô sapêŋ abitak hatôm kupik doŋtom iyom. Ma Lovak Matheŋ doŋtom intu hamô alalô lôkthô kapôlôŋiŋ.

<sup>14</sup> Ma kupik ma miŋ epesaŋ hathak nômla doŋtom ami. Mi. Bêŋ anôŋ. <sup>15</sup> Veŋ kapô hanaŋ nena, “Baheŋ ma yaŋda ma veŋ kapô ma yaŋda. Ba intu ya miŋ kupik bute ami.” Êŋ ma abô avanôŋ e? Mi. Veŋ kapô ma kupik êŋ bute. <sup>16</sup> Leŋôndôŋ hanaŋ nena, “Maleŋdaluk ma yaŋda ma leŋôndôŋ ma yaŋda. Ba intu ya miŋ kupik bute ami.” Êŋ ma abô avanôŋ e? Mi. Leŋôndôŋ ma kupik êŋ bute. <sup>17</sup> Aêŋ ba kupik lôkthô ma maleŋdaluk iyom ma tem alalô nadaŋô aisê? Ma kupik lôkthô ma leŋôndôŋ iyom, ma tem alalô nadiŋu ôv aisê? <sup>18</sup> Odaŋô! Wapômbêŋ hapesaŋ kupik êŋ bu tomtom halôk ida iniŋ loŋ hatôm yanida anêŋ lahaviŋ. <sup>19</sup> Ba intu kupik êŋ bute iyom ma kupik lôkthô tem aisê? <sup>20</sup> Aêŋ ba kupik êŋ anêŋ lôbôlôbô hamô ma doŋtom anêŋ kupik ma doŋtom.

<sup>i</sup> 12:2 Hab 2:18-19    <sup>j</sup> 12:3 1Jon 4:2-3    <sup>k</sup> 12:4 Lom 12:6    <sup>l</sup> 12:11 1Ko 7:7

<sup>m</sup> 12:12 1Ko 10:17    <sup>n</sup> 12:13 Gal 3:28

<sup>21</sup>Maleŋdaluk miŋ hatôm êpôlik esak baheŋ ba enaŋ, “O dô!” Ma leŋkadôk miŋ hatôm êpôlik esak veŋkapô ba enaŋ, “O dô!” <sup>22</sup>Mi! Kupik lôkthô ma anêŋ loŋ pulusik hamô ba loŋ pulusik takêŋ ma bêŋ ek eyabiŋ o mavi. <sup>23</sup>Kupik anêŋ loŋ mama alalô athak apesaŋ lôk aluviŋ mavi ba adô hêk loŋ kapô. <sup>24</sup>Ma kupik anêŋ loŋ mama mi ma miŋ alalô athak ik kup ami. Ma Wapômbêŋ hapesaŋ kupik anêŋ lôbôlôbô atu ba ethak doŋtom ma hêv athêŋ bêŋ hadêŋ loŋ mama <sup>25</sup>ek batu miŋ nabaki vose ni lodôŋlodôŋ ami ma nanêm i sa ni ba êlêm. <sup>26</sup>Bute hawa vovaŋ, lôkthô ewa vovaŋ. Ma bute hawa athêŋ bêŋ, êŋ ma lôkthô êbôi.

<sup>27</sup>°Môlô ma Kilisi liŋkupik ba môlô tomtom ma hatôm yani anêŋ kupik lôbôlôbô atu. <sup>28</sup>°Ŋê êvhaviŋ Anyô Bêŋ ma hêv ku lomaloma hadêŋ i. Môŋ anôŋ ma aposel, hayô hêk ma plopet, ma haveŋ yam ma kêdôŋwaga, vêm ma ŋê ku idum nômbithi lôk ŋê takatu ba idum avômalô mavi lôk ŋê takatu ba êv avômalô sa lôk avaka ku lôkthô ma ŋê enaŋ abô masôm. <sup>29</sup>Aêŋ ba môlô doho lêk aposel ma doho plopet ma doho kêdôŋwaga lôk doho idum nômbithi <sup>30</sup>ma doho idum avômalô mavi lôk doho enaŋ abô masôm ma doho ik abô masôm liliŋ êŋ ma mavi. <sup>31</sup>°Wapôm lomaloma takatu ba hamôŋ ek vi, êŋ ma ôpôviŋ o ek onja.

Êntêk ma loŋôndê mavi anôŋ te intu tem yaŋgik thô êndêŋ môlô.

### Loŋôndê leŋiŋhaviŋ

**13** <sup>1</sup>Ôpatu ba hanaŋ abô masôm lôk aŋela iniŋ abô lomaloma ma doŋtom lahaviŋ avômalô ami, yani êŋ hatôm subim atu ba ik ba halaŋ mayaliv lôk yeŋ beleŋ atu ba ibi ba pôk lili oyaŋ. <sup>2</sup>°Ma ôpatu ba hanaŋ Wapômbêŋ anêŋ auk bêŋ mena hawa auk hathak auk loŋ kapô ba hanaŋ auk lôkmaŋgiŋ mena anyô hêvhaviŋ ba hanaŋ ba dumlolê haviyô ba hi, ma doŋtom lahaviŋ mi hêk ôpêŋ ma anêŋ ku ma nôm oyaŋ. <sup>3</sup>Ma anyôla hêv anêŋ nômkama ek hêv ŋê siv sa lôk hêv ida hatôm da atum ma doŋtom miŋ lahaviŋ avômalô ami, nôm êŋ miŋ hêv yanida sa ami.

<sup>4</sup>Ôpatu ba lahaviŋ avômalô, yani ma yôhok mavi ba nêm la êndêŋ avômalô. Yani miŋ ladaŋ lôk ebam yanida ba êmbôi ami. <sup>5</sup>Ma miŋ indum nôm mama lôk êtôm anyô paloŋ lôk miŋ laŋaŋa ketheŋ oyaŋ lôk embalon auk esak kambom bôsêbok ami. <sup>6</sup>°Leŋhaviŋ ma miŋ habôi hathak kambom ami, mi, habôi hathak abô avanôŋ iyom. <sup>7</sup>°Ôpatu ba lahaviŋ avômalô hathak hamô maliŋyaô ma anêŋ hêvhaviŋ hamiŋ lôklokwaŋ. Ma hathak hêv ma ek Wapômbêŋ ba hamiŋ majaŋ.

<sup>8</sup>Kobom leŋiŋhaviŋ i ma anêŋ daŋ mi. Ma opalêla takatu ba enaŋ abô plopet ma thêlôniŋ ku tem anêŋ daŋ. Lôk abô masôm lomaloma, jiŋaŋ takêŋ tem êŋjêk tiŋiŋ. Lôk auk lôkmaŋgiŋ tem ende ba ni. <sup>9</sup>Ma alalô

° 12:27 Lom 12:5    ° 12:28 Ep 4:11-12    ° 12:31 1Ko 14:1    ° 13:2 Mat 17:20

° 13:6 Lom 12:9    ° 13:7 1Pi 4:8

ayala Wapômbêḅ anêḅ auk dokte iyom lôk anaḅ anêḅ auk dokte iyom. <sup>10</sup>Ma waklavônḅ atu ba Yisu endelêḅ ma ku sapêḅ tem êyô anêḅ daḅ ba injik anônḅ ma tem enja loḅ ek ku takêḅ lôkthô. <sup>11</sup>Sêbôk ma ya amena ma yahananaḅ abô inaḅ amena lôk yalenḅhabi inaḅ amena ma yenaḅ auk inaḅ amena. Ma yahabitak anyô ma yahatak auk amena. <sup>12</sup>Lêk ma alalô ayê lôk anônḅ ami. Mi. Ayê dahô oyaḅ. Ma embeḅ yam ma tem nagê lôk anônḅ. Lêk ayala dokte iyom ma embeḅ yam ma tem nayala anônḅ biḅ hatôm Wapômbêḅ lêk hayala alalô lôkthô katô anônḅ.

<sup>13</sup>“Ma nôḅm lô êntêk iyom hêk. Êvhaviḅ lôk êv maleḅ ek Wapômbêḅ ma leḅhaviḅ. Ma doḅtom leḅhaviḅ iyom intu bêḅ ek nôḅm lô êntêk.

### Alalô leḅiḅmavi anônḅ ek nanaḅ Wapômbêḅ anêḅ abô

**14** <sup>1</sup>Nosopa loḅôndê leḅiḅhaviḅ iyom ba nonaḅniḅ ek nonaḅ Lovak Matheḅ anêḅ abô lomalama. Lôk nôḅmbêḅ ba nôpônḅ am lôklokwaḅ ek nonaḅ Wapômbêḅ anêḅ auk bêḅ ek embatho avômalô loḅ. <sup>2</sup>Ma opalê atu ba hanaḅ hathak abô masôm miḅ hanaḅ hadêḅ avômalô pik ami. Mi. Hanaḅ hadêḅ Wapômbêḅ ba hanaḅ abô loḅ kapô atu ba Lovak Matheḅ hêv hadêḅ yani. Ba anyôla miḅ hatôm eyala anêḅ ôdônḅ ami. <sup>3</sup>Ma opalêla takatu ba idum ek nembatho avômalô loḅ ma nenaḅ Wapômbêḅ anêḅ abô esak avômalô pik iniḅ abô, ôpêḅ havatho thêlô loḅ lôk hathô thêlô ba haya lôk hêv abô labali hadêḅ i. <sup>4</sup>Ma ôpatu ba hanaḅ abô masôm havatho yanida loḅ. Ma doḅtom ôpatu ba hanaḅ Wapômbêḅ anêḅ auk hathak avômalô pik iniḅ abô, yani havatho avômalô êvhaviḅ loḅ. <sup>5</sup>Yalenḅhaviḅ môlô lôkthô nonaḅ abô masôm. Ma doḅtom yenaḅ auk lôklokwaḅ nena nonaḅ Wapômbêḅ anêḅ auk bêḅ ek embatho avômalô loḅ. Ôpatu ba havatho avômalô êvhaviḅ loḅ ma bêḅ anônḅ ek ôpatu ba hanaḅ hathak abô masôm. Ma doḅtom anyôla hik abô êḅ liliḅ ba havatho avômalô êvhaviḅ lôkthô loḅ, êḅ ma mavi anônḅ aêḅ iyom.

<sup>6</sup>Aêḅ ba aiyaḅ thêlô, nodaḅô! Yahathôk ek môlô ba yahananaḅ abô lôk auk mena yahik Wapômbêḅ anêḅ auk loḅ kapô thô mena yahadônḅ avômalô mena yahananaḅ Wapômbêḅ anêḅ auk bêḅ, êḅ ma hatôm yahavatho môlô loḅ. Ma doḅtom yahananaḅ abô masôm ba miḅ môlô oyala ami, êḅ ma yahavatho môlô loḅ aisê? <sup>7</sup>Ma môlô lemimimbi esak abiḅ lôk gita. Thêlô ma miḅ nôḅm lôkmala ami. Ma doḅtom iniḅ asêḅ hamô. Ma thêlônḅniḅ pôk halaḅ mayaliv êḅ ma tem miḅ alalô nadaḅô iniḅ asêḅ mavi ami. <sup>8</sup>Ma lavuak miḅ halaḅ mavi ami ma avômalô tem nêpôpêk i ek nijik vovak aisê am? <sup>9</sup>Ma môlô vemimbôlêk ma aêḅ iyom. Môlô onaḅ abô masôm ma avômalô tem neyala aisê? Abô êḅ ma hatôm lovak ba miḅ eyala ami. <sup>10</sup>Yakô ek abô lomalama takatu ba hêk pik bêḅ êntêk lôkthô iniḅ ôdônḅ hamô.

“ 13:13 1Te 1:3    14:1 1Ko 12:31; 14:39

<sup>11</sup>Aênj ba miŋ yahayala abô atu ba anyô yaŋ hanaŋ anêŋ ôdôŋ ami, êŋ ma hatôm ya anyô loŋ buyaŋ ma yani anyô loŋ buyaŋ. <sup>12</sup>Ma môlô aênj iyom. Môlô othak ôpôviŋ ek nundum Lovak Matheŋ anêŋ ku lomalomoma. Aênj ba nundilup esak ku yaŋ atu ba tem embatho avômalô êvhaviŋ lôkthô loŋ.

<sup>13</sup>Ba intu opalêla takatu ba enaŋ abô hathak abô masôm ma neteŋ mek ek nijik iniŋ abô êŋ liliŋ ek avômalô lôkthô neyala. <sup>14</sup>Ma yahateŋ mek hathak abô masôm, êŋ ma yadahôlôŋ hateŋ mek êŋ. Ma doŋtom yenaŋ auk miŋ havalonŋ ami. <sup>15</sup>Aênj ba yandum aisê? Mek atu ba yadahôlôŋ hateŋ ma yenaŋ auk eteŋ imbiŋ. Lôk yeŋ atu ba yadahôlôŋ hêv ma yenaŋ auk nêŋ imbiŋ. <sup>16</sup>Hôêv lemmavi hadêŋ Wapômbêŋ hathak abô masôm ma ôpatu ba miŋ halaŋô ami tem miŋ hatôm eyala abô atu ba honaŋ ami. Ba tem miŋ enaŋ nena “avanôŋ” esak anêŋ mek êŋ ami. <sup>17</sup>Odanêŋ mek êŋ mavi ma doŋtom miŋ havatho ôpêŋ loŋ ami.

<sup>18</sup>Yahamôŋ ek môlô lôkthô hathak yahanaŋ abô masôm ba intu yahanaŋ yalenmavi hadêŋ Wapômbêŋ. <sup>19</sup>Ma yahamô ŋê êvhaviŋ malêvôŋ ba yahanaŋ abô bidonŋa hathak avômalô da iniŋ abô ek yanêŋ auk êndêŋ i, êŋ ma mavi. Ma abô daim hatôm 10,000 hathak abô masôm êŋ ma tem thêlô neja auk aisê?

<sup>20</sup>“Aiaŋ thêlô, notak auk hathak nundum kambom êtôm avômena kasek takatu ba miŋ eyala nômla ami ma noja ŋê bôk talaŋ yôv iniŋ auk. <sup>21</sup>“Eto hêk abô balabuŋ nena Wapômbêŋ hanaŋ avômalô Islel bêŋ ba hanaŋ,

“ Tem yaŋgik vovak ba yanaŋ abô masôm  
lôk ŋê pik yaŋ iniŋ abô  
êndêŋ avômalô,  
ma doŋtom thêlô tem miŋ nedaŋô ya ami.’

Anyô Bêŋ hanaŋ aênj.”

*Aisaia 28:11-12*

<sup>22</sup>Ba intu abô masôm ma hatôm lavôŋiŋ ba êv hadêŋ ŋê daluk ek injik i thô. Ma abô takatu ba enaŋ ek havatho avômalô loŋ ma hatôm lavôŋiŋ ba êv hadêŋ ŋê êvhaviŋ. <sup>23</sup>“Avômalô êvhaviŋ lôkthô ethak doŋtom ba enaŋ abô masôm lôk vi atu ba miŋ êvhaviŋ ami ba miŋ êdôŋ i ami, elanô abô êŋ, ma tem nenaŋ nena môlô ma avômalô molo. <sup>24</sup>“Ma doŋtom môlô onaŋ Wapômbêŋ anêŋ auk bêŋ ek embatho avômalô vi loŋ, ma auk êŋ intu tem indum abô esak anyô vi ek nede i liliŋ. <sup>25</sup>Malêla takatu ba havuŋi hamiŋ yani kapô tem imbitak yaiŋ. Êŋ ma tem yani endek vadôŋ lêlô ba nêŋ yeŋ êndêŋ Wapômbêŋ ba enaŋ bêŋ nena, “Avanôŋ biŋ! Wapômbêŋ lêk hamô haviŋ môlô!”

“ 14:20 Ep 4:14 \* 14:21 Ais 28:11-12 † 14:23 Ap 2:13 ‡ 14:24 Jon 16:8

### Ku nênem yeŋ lókhô imbitak thêthôn

<sup>26</sup> Aêŋ ba aiyar thêlô, alalô nanaŋ aisê? Alalô ayô athak doŋtom ma doho nênem yeŋ ma doho nêndôn avômalô ma doho nenaŋ Wapômbêŋ anêŋ abô loŋ kapô ma doho nenaŋ abô masôm ma doho nenaŋ abô êŋ anêŋ ôdôn bêŋ. Nômbêŋ êŋ imbitak aêŋ ek embatho avômalô êvhaviŋ loŋ. <sup>27</sup> Ba intu anyô ju mena lô la nenaŋ abô masôm ma te êmôn ma yaŋ ember yeŋ ma te ember yeŋ anôn ek anyô lôkauk la hamô ma enaŋ abô êŋ anêŋ ôdôn bêŋ. <sup>28</sup> Aêŋ ba ôpatu ba hanaŋ abô masôm anêŋ ôdôn bêŋ te miŋ hamô avômalô malêvôn ami, êŋ ma ôpatu ba hanaŋ abô masôm bônôn ba imiŋ. Yani enaŋ thikuthik êndôk yanida ni ek Wapômbêŋ.

<sup>29</sup> Lokwanju mena lô la takatu ba Wapômbêŋ hêv abô hadêŋ i ek nenaŋ ma takatu ba êmô ek elanô nititiŋ abô takêŋ katô. <sup>30</sup> Anyôla hanaŋ Wapômbêŋ anêŋ abô hamiŋ ba Wapômbêŋ hêv abô halôk anyô yaŋ kapô ek enaŋ, ma ôpêŋ êndôk êmô biŋ ma yaŋ atu imbiyô enaŋ <sup>31</sup> ek mólô sapêŋ tomtom nonaŋ abô ek avômalô sapêŋ nedaŋô ba neja auk ek embatho i loŋ. <sup>32-34</sup> Wapômbêŋ hathak hasup avômalô sapêŋ ethak doŋtom lôk kapôlônŋiŋ doŋtom. Ma miŋ hadum nômla mayaliv ami. Aêŋ ba avômalô enaŋ Wapômbêŋ anêŋ abô bêŋ, thêlô ethak eyabiŋ veŋiŋbôlêk.

Avômalô êvhaviŋ ethak doŋtom êŋ ma avi nêmô bônôn. Avômalô ôdôn êvhaviŋ takatu ba êmô luvuluvu ethak idum aêŋ. Thêlô miŋ hatôm nenaŋ abô ami. Ma thêlôda nêmô anyô vibiŋ êtôm atu ba abô balabuŋ hanaŋ. <sup>35</sup> Avômalô êvhaviŋ lêk ethak doŋtom ek nênem yeŋ, ma avi la hamiŋ ba hanaŋ abô, êŋ ma nôm mama. Aêŋ ba avi idum ek neja auk ma ini unyak am ka miŋ nenaŋ injik vêŋi liŋ.

<sup>36</sup> Ma mólô osoŋ nena mólôda intu Wapômbêŋ anêŋ abô anêŋ alaŋ e? <sup>37</sup> Anyô la hasoŋ nena yani anyô hanaŋ Wapômbêŋ anêŋ abô hadêŋ avômalô vi mena hadum Lovak Matheŋ anêŋ ku lomaloma, êŋ ma enaŋ bêŋ nena abô êntêk yahato ma Wapômbêŋ anêŋ balabuŋ mena mi e?

<sup>38</sup> Opalêla takatu ba êpôlik hathak abô êntêk ma nôpôlik esak i aêŋ iyom.

<sup>39</sup> Aêŋ ba aiyar thêlô, nôpôviŋ am ek nonaŋ Wapômbêŋ anêŋ auk bêŋ ek embatho avômalô loŋ ma miŋ nôŋgwêk abô masôm loŋ siŋ ami. <sup>40</sup> Ma nundum ku lôkhô thêthôn ma miŋ mayaliv ami.

### Kilisi bôk hama ba haviyô hathak loŋbô

**15** <sup>1</sup> Aiyar thêlô, yahadum ek yaŋgik mólônim auk liŋ esak Abô Mavi takatu ba bôk yahanar hadêŋ mólô yôv. Mólô bôk olaŋô ba lêk umiŋ lôklokwaŋ. <sup>2</sup> Ma doŋtom yakô mólônim ôêvhaviŋ êŋ anêŋ anôn mi. Mólô ovaloŋ abô takatu ba bôk yahanar bêŋ hadêŋ mólô lôklokwaŋ êŋ ma tem nêm mólô bulubiŋ.

<sup>a</sup> 14:26 1Ko 12:8-10 <sup>b</sup> 14:29 1Te 5:21 <sup>c</sup> 14:32-34 1Ko 11:3; 1Ti 2:12 <sup>d</sup> 14:37 1Jon 4:6

<sup>3</sup>Abô bôk êdôŋ ya hathak ma yahadôŋ môlô aëntêk. Abô êntêk ma auk lôkthô anêŋ ôdôŋ. Kilisi hama ek hêv alalôaniŋ kambom lôkthô vê hatôm atu ba bôk eto yôv. <sup>4</sup>Ba elav yani ma wak te lô ma haviyô hatôm atu ba bôk eto yôv. <sup>5</sup>Pita hayê yani vêm ma aposel lauminŋ ba lahavuju êyê yani. <sup>6</sup>Vêm ma avômalô êvhaviŋ hatôm 500 ethak doŋtom êmô ba êyê yani. Bêŋ anôŋ êmô lôkmala ma vi bôk ema. <sup>7</sup>Ma yani hik i thô hadêŋ Jems vêm ma aposel lôkthô. <sup>8</sup>Ma ya hatôm amena atu ba evolôŋ ba intu yani hiki thô hadêŋ ya haveŋ yam anôŋ.

<sup>9</sup>Yahabulinŋ Wapômbêŋ anêŋ avômalô êvhaviŋ ba intu yahatôm aposel yaônâlôk ba ya miŋ anyô mavi ek nendam ya nena aposel ami. <sup>10</sup><sup>k</sup>Ma Wapômbêŋ hêv anêŋ wapôm hadêŋ ya ba hik anôŋ ek yambitak aposel. Yahadum ku bêŋ anôŋ hamôŋ ek aposel vi. Ma doŋtom yada miŋ yahadum ku takêŋ ami ma Wapômbêŋ anêŋ wapôm atu ba hamô haviŋ ya. <sup>11</sup>Yêlô lôk aposel sapêŋ athak anaŋ abô doŋtom hadêŋ môlô ba abô takêŋ intu bôk ôêvhaviŋ yôv.

### Avômalô ŋama tem nimbiyô

<sup>12</sup>Yêlô athak anaŋ nena Yisu haviyô anêŋ ŋama ma aisê ka môlô vi onaŋ nena miŋ hatôm imbiyô ami? <sup>13</sup>Aêŋ ba ŋê ŋama miŋ iviyô ami, êŋ ma Kilisi miŋ bôk haviyô anêŋ ŋama ami. <sup>14</sup>Ma Kilisi miŋ bôk haviyô hathak loŋbô ami, êŋ ma yêlôaniŋ abô takatu ba anaŋ ma anêŋ anôŋ mi hatôm môlônim ôêvhaviŋ anêŋ anôŋ mi aêŋ iyom. <sup>15</sup>Yêlô anaŋ nena Wapômbêŋ bôk hik Kilisi liŋ. Ma ŋê ŋama miŋ iviyô hathak loŋbô ami, êŋ ma Wapômbêŋ miŋ bôk hik Kilisi liŋ ami ba yêlô êv Wapômbêŋ anêŋ abô lelaliliŋ ba adum hatôm abôyaŋ. Êŋ ma malaiŋ bêŋ. <sup>16</sup>Ma ŋê ŋama miŋ iviyô ami, êŋ ma Kilisi miŋ bôk haviyô haviŋ ami. <sup>17</sup>Ma Kilisi miŋ haviyô ami, êŋ ma môlônim kambom hamô denaŋ ba môlônim ôêvhaviŋ miŋ hatôm nêv môlô sa ami. <sup>18</sup>Ba avômalô takatu ba bôk êmô haviŋ Yisu Kilisi ba ema ma thêlô êŋ bôk êv yak haviŋ. <sup>19</sup>Ma alalô asoŋ nena alalôaniŋ êvhaviŋ hêv alalô sa hamô pik êntêk iyom, êŋ ma alalô kambom anôŋ ma ŋê puliŋ takatu ba avômalô vi enaŋ nena “Alikaknena!” êmô mavi ek alalô.

### Yisu haviyô anêŋ ŋama

<sup>20</sup>Ma doŋtom Kilisi bôk haviyô yôv anêŋ ŋama. Yani hatôm vuŋ môŋ atu ba halôk môŋ ba hayôk. Ba alalô ayê vuŋ môŋ êŋ ma ayala nena bêŋ anôŋ tem êyôk embeŋ yam. Ma Yisu haviyô môŋ ba ŋê ŋama lôkthô tem nimbiyô esak loŋbô aêŋ iyom. <sup>21</sup><sup>l</sup>Ma anyô yaŋ hadum ba ŋama habitak.

<sup>e</sup> 15:3 Ais 53:5-12    <sup>f</sup> 15:4 Mat 12:40; Ap 2:24-32    <sup>g</sup> 15:5 Mat 28:16-17; Luk 24:34

<sup>h</sup> 15:7 Ap 1:3-4    <sup>i</sup> 15:8 Ap 9:3-6    <sup>j</sup> 15:9 Ep 3:8; 1Ti 1:15    <sup>k</sup> 15:10 2Ko 11:23

<sup>l</sup> 15:21 Lom 5:12



Ma yaŋ hadum ba ŋe ŋama iviyô hathak loŋbô. <sup>22</sup>Aêŋ ba alalô ma Adam anêŋ avômalô ba intu tem nama. Ma doŋtom vi atu ba êvhaviŋ Kilisi tem neja lôkmala esak loŋbô. <sup>23</sup><sup>m</sup>Ba ôdôŋ ju êŋ iniŋ wakma da hamô. Kilisi ma hatôm vuŋ yôk môŋ atu ba bôk haviyô ba tem endelêm ek anêŋ avômalô nimbiyô aêŋ iyom. <sup>24-25</sup><sup>r</sup>Kilisi tem eyabiŋ anêŋ nômkama lôkthô endeba etak ŋe takatu ba ik vovak hadêŋ yani nêômô vakapô vibiy am. Êŋ ma pik lo leŋ anêŋ daŋ tem êyô ma tem imbuliy kiŋ lo ŋe bêŋbêŋ ma ŋgôk lomaloma. Ma nêôm loŋ lôkliŋyak êmbôni êndêŋ Lambô Wapômbêŋ. <sup>26</sup><sup>o</sup>Ma nôm kambom anôŋ atu ba yani imbuliy embeŋ yam, êŋ ma ŋama <sup>27</sup><sup>p</sup>hatôm bôk enaŋ nena,

“Bôk etak nômkama lôkthô hamô yani vakapô vibiy.” *Kopya Yey 8:6*  
Aêŋ ba Wapômbêŋ da hatak nômkama lôkthô hamô Kilisi vakapô vibiy. Ba intu alalô lôkthô ayala nena nômkama lôkthô tem êmô Kilisi vakapô vibiy ma doŋtom Wapômbêŋ da hamô vuliy. <sup>28</sup>Wapômbêŋ hadum anêŋ ku hatak nômkama sapêŋ hamô Kilisi vakapô vibiy endeba anêŋ daŋ ma tem etak Nakaduŋ êmô yani vibiy, Lambô atu ba hatak nômkama lôkthô hamô Nakaduŋ vibiy ek Wapômbêŋ êmô nômkama sapêŋ vuliy.

<sup>29</sup>Ma ŋe ŋama miŋ ewa lôkmala hathak loŋbô ami ma aisê hathak ŋe takatu ba ithik ŋaŋ ek nênem ŋe ŋama sa? Aêŋ ba ŋe ŋama miŋ iviyô ami ma idum aêŋ eka? <sup>30</sup><sup>q</sup>Ma aisê ka yêlô ana loŋ takatu ba yêlô apôm malaiŋ lomaloma? <sup>31</sup>Wak nômbêŋ intu ma yahama! Aiyang thêlô, yahabôya hathak môlô ek môlônim ôêvhaviŋ Yisu Kilisi alalôaniŋ Anyô Bêŋ atu ba hadum ku hamiŋ môlô ba yahanaŋ abô avanôŋ. <sup>32</sup><sup>r</sup>Bôk yaha Epesus yôv ek yanggik vovak imbiŋ alim kambom atu. Ma abô hathak ŋe ŋama iviyô hathak loŋbô ma abô êŋ abôyaŋ, êŋ ma tem miŋ yandum aêŋ ami. Mi. Tem yasopa avômalô iniŋ abô nena,

“Alalô nanŋaŋ ba nanum yapiŋ ek yamuŋ ma tem alalô nama.”

*Aisaia 22:13*

<sup>33</sup>Abô bute hanaŋ nena, “Avômalô kambom ethak ibuliŋ avômalô mavi.” Ba intu miŋ nosopa avômalô takatu ba esau môlô ami. <sup>34</sup>Môlô doho miŋ oyala Wapômbêŋ ami. Ba intu yahanaŋ ek nêôm mama êndêŋ môlô. Aêŋ ba môlô nubiyô nombeŋ thêthôŋ ba notak unim kambom.

### **Kupik atu ba haviyô hathak loŋbô ma tem yaŋda**

<sup>35</sup>Ma doho enaŋ, “Avômalô ŋama tem nimbiyô aisê? Ma tem neja kupik alê?” <sup>36</sup><sup>s</sup>Môlô avômalô auk mi! Miŋ hovatho yaŋvêk ami êŋ ma tem enja lôkmala esak loŋbô aisê? <sup>37</sup>Hovatho ku te ma hovatho anêŋ anôŋ e? Mi. Hovatho anêŋ vêk iyom. <sup>38</sup>Wapômbêŋ da hêv yaŋvêk takêŋ iniŋ liŋkupik hatôm yanida anêŋ lahaviŋ. Yani hêv yaŋvêk takêŋ da leŋviŋkupik

<sup>m</sup> 15:23 1Te 4:16; ALK 20:5    <sup>n</sup> 15:24-25 Mat 22:44    <sup>o</sup> 15:26 ALK 20:14    <sup>p</sup> 15:27 Sng 8:6  
<sup>q</sup> 15:30 Lom 8:36    <sup>r</sup> 15:32 Ais 22:13    <sup>s</sup> 15:36 Jon 12:24

tomtom. <sup>39</sup>Vathiap lôkthô miŋ hatôm doŋtom ami. Anyô iniŋ vathiap yaŋda, ma alim iniŋ te da, menak iniŋ te da, ma alim ŋgwêk iniŋ te da.

<sup>40</sup>Ma nômkama leŋ hamô ma nômkama pik hamô. Ma nômkama leŋ da anêŋ lêlêyaŋ hamô ma nômkama pik anêŋ lêlêyaŋ da hamô aêŋ iyom.

<sup>41</sup>Ma wak anêŋ lêlêyaŋ yaŋda ek ayôŋ anêŋ ma vuliŋ anêŋ te da. Ma vuliŋ lomalomoma da iniŋ lêlêyaŋ hamô aêŋ iyom.

<sup>42</sup>Ma kupik takatu ba iviyô hathak loŋbô iniŋ lêlêyaŋ hamô aêŋ iyom. Ma kupik atu ba elav halôk lôv ma hapalê. Ma kupik atu ba haviyô êŋ ma yaŋda ba tem miŋ epalê ami. <sup>43</sup>Kupik atu ba elav êŋ ma anêŋ athêŋ mi. Ma kupik atu ba haviyô hathak loŋbô êŋ ma lôkmaŋgiŋ. Ma kupik atu ba elav, êŋ ma vauna. Ma kupik atu ba haviyô hathak loŋbô ma anêŋ lôklokwaŋ bomaŋ. <sup>44</sup>Kupik atu ba elav ma kupik pik. Ma kupik atu ba haviyô hathak loŋbô ma kupik dahô lôkmala. Avanôŋ. Kupik pik hamô ba intu kupik leŋ hamô aêŋ iyom.

<sup>45</sup>“Bôk eto nena,

“Adam môŋ habitak hatôm nôm lôkmala.”

*Môŋ Anôŋ 2:7*

Ma doŋtom Adam yaŋ atu ba haveŋ yam ma kupik dahô lôkmala anêŋ ôdôŋ ba tem nêŋ lôkmala. <sup>46</sup>Aêŋ ba dahô êŋ miŋ habitak môŋ ami. Ma kupik pik atu ba hamôŋ vêŋmam ka miŋ dahô lôkmala êŋ haveŋ yam.

<sup>47</sup>Ma anyô môŋ habitak anêŋ pik ma anyô yaŋ haveŋ yam halêŋ anêŋ malak leŋ aêŋ iyom. <sup>48</sup>Aêŋ ba avômalô takatu ba êmô pik, êŋ ma anyô pik atu anêŋ. Ma avômalô malak leŋ ma êtôm anyô malak leŋ atu anêŋ.

<sup>49</sup>Alalô lêk awa leŋviŋkupik anyô pik anêŋ ma embeŋ yam ka tem naja anyô malak leŋ anêŋ liŋkupik aêŋ iyom.

<sup>50</sup>Aiyaŋ thêlô, yahanaŋ nena kupik lôk thalaleŋ atu ba hapalê tem miŋ êmô Wapômbêŋ anêŋ loŋ lôkliŋyak ami. Ma nôŋ atu ba hapalê tem miŋ enja nôŋ atu ba tem miŋ epalê anêŋ loŋ ami. <sup>51</sup>“Nodaŋô! Ya tem yanaŋ abô loŋ kapô te êndêŋ môlô. Alalô sapêŋ tem miŋ nama ami ma leŋviŋkupik sapêŋ tem imbitak yaŋda. <sup>52</sup>Alalô tem nadaŋô abiŋ ali atu ba anêŋ daŋ anêŋ asêŋ ma kasana ma tem ŋê ŋama nimbiyô ma kupik palê mi ma alalô tem nambitak yaŋda. <sup>53</sup>“Ma kupik palê êŋ imbuliv i esak kwêv yaŋ atu ba tem miŋ epalê ami. Ma kupik ŋama êŋ imbuliv i esak kwêv yaŋ atu ba tem miŋ ema ami. <sup>54</sup>“Ma kupik palê êŋ havuliv i hathak kwêv yaŋ atu ba tem miŋ epalê ami lôk kupik ŋama havuliv i hathak kwêv yaŋ atu ba tem miŋ ema ami aêŋ iyom, êŋ ma abô atu ba bôk eto tem imbitak avanôŋ nena,

“Lôklokwaŋ lovak ba hatôkwêŋ ŋama.”

*Aisaia 25:8*

<sup>55</sup>“Ŋama ma anêŋ lôklokwaŋ o lovak êsê?

Ŋama ma anêŋ siniŋ nuŋgwik anyô vônô êsê?”

*Hosea 13:14*

<sup>1</sup> 15:43 Plp 3:20-21    <sup>2</sup> 15:45 Stt 2:7    <sup>3</sup> 15:51-52 Mat 24:31; 1Te 4:15-17    <sup>4</sup> 15:53 2Ko 5:4

<sup>5</sup> 15:54 Ais 25:8    <sup>6</sup> 15:55 Hos 13:14

56<sup>z</sup>Ŋama anêṅ siniṅ ma kambom lomaloma. Ma kambom hawa lókklokwaṅ hêk balabuṅ. 57Ba nanêm leṅṅmavi êndêṅ Wapômbêṅ! Yani hêv alalôaniṅ Anyô Bêṅ Yisu Kilisi atu ba hadum ba alalô athak lovak.

58Yenaṅ aiyaṅ lókkma anôṅ, môlô oyala nena udum Anyô Bêṅ anêṅ ku ba ku êṅ tem miṅ anôṅ mi ami. Mi. Ba intu numiṅ lókklokwaṅ ma miṅ notak nômla ek êyôkwaiṅ môlô ami. Ma nônêm am dedauṅ ek nundum Wapômbêṅ anêṅ ku êṅ.

### Pol hanaṅ hathak da atu ni Jelusalem

**16** <sup>1</sup>aYahanaṅ abô êntêk hathak da takatu ba tem môlô nônêm êndêṅ Wapômbêṅ anêṅ avômalô mathêṅ. Nundum êtôm atu ba yahanaṅ hadêṅ avômalô êvhaviṅ takatu ba êmô Galesia. <sup>2</sup>Sonda lókkthô anêṅ wak te môṅ ma vithêla atu ba ôpôm ma nômbi sam ni lodôṅlodôṅ ba notak valuseleṅ da êndôk kolopak te ek imbitak bêṅ anôṅ ek yahayô ma da takêṅ bôk usup yôv. <sup>3</sup>Ma nodam anyô doho ek yato kapyâ te imbiṅ ek injik i thô ek neja môlônim wapôm takêṅ ba ini Jelusalem. <sup>4</sup>Injo. Tem yana mena mi la. Yaha ma tem ḡê êṅ nimbiṅ ya ek yêlô ana.

### Pol lahaviṅ ni Kolin

<sup>5</sup>bTem yana Masedonia ba yamô wak doho vêm ka tem yasôk ek môlô. 6-7<sup>c</sup>Yahathôn. Miṅ yaleṅhaviṅ yangê môlô ma yatak môlô ketheṅ ami. Yaleṅhaviṅ nena yamô imbiṅ môlô êtôm wak doho vêmam êtôm Anyô Bêṅ anêṅ lahaviṅ. Ba intu beleṅ simbak haviṅ ba tem yamô imbiṅ môlô wak doho mena injo ek batu môlô nônêm ya sa ek loṅ alêla takatu ba tem yana. 8-9<sup>d</sup>Avômalô Epesus bêṅ anôṅ ethak êdô yenaṅ ku. Ma doṅtom loṅôndê nindum ku ek nênem i sa lêk abyaṅ ba intu tem yamô loṅ êṅ endeba Pentikos.

<sup>10</sup>eTimoti hadum Anyô Bêṅ anêṅ ku hatôm ya. Ba intu yani hathôk ma môlô noyabiṅ am ek yani miṅ êkô esak môlô ami. Ma wak takatu ba hamô haviṅ môlô ma noyabiṅ yani mavi. <sup>11</sup>fMa miṅ nôndô ek noja yani thô ami. Ma hatak môlô ma nônêm yani ni lôk lamavi ek batu endelêm êndêṅ ya. Tem yayabiṅ yani lôk iviyaṅ takatu ba tem nêlêm nimbiṅ yani.

<sup>12</sup>gYahanaṅ hathak alalôaniṅ aiyaṅ Apolo. Yahanaṅ abô lókklokwaṅ ek yani êsôk imbiṅ iviyaṅ doho ek nêgê môlô. Yani popabuk ek êsôk ma tem yani êsôk êndêṅ wak alê atu ba yanida lahaviṅ.

<sup>13</sup>Nômô lêlê lôk nobaloṅ êvhaviṅ loṅ. Numiṅ lókklokwaṅ êtôm anyô ḡê. <sup>14</sup>Ma nundum nômkama lókkthô esak leṅṅhaviṅ iyom.

<sup>15</sup>hMôlô oyala nena Stepanas lôk anêṅ avômalô, thêlô ma avômalô êvhaviṅ môṅ hamô Akaia. Ma thêlô êv i dedauṅ ek êv avômalô mathêṅ sa. Aiyaṅ

<sup>z</sup> 15:56 Lom 7:13    <sup>a</sup> 16:1 Lom 15:25-26; 2Ko 8:1-9    <sup>b</sup> 16:5 Ap 19:21    <sup>c</sup> 16:6-7 Lom 15:24

<sup>d</sup> 16:8-9 Ap 19:8-10; 2Ko 2:12    <sup>e</sup> 16:10 1Ko 4:17    <sup>f</sup> 16:11 1Ti 4:12    <sup>g</sup> 16:12 1Ko 3:6

<sup>h</sup> 16:15 1Ko 1:16

thêlô, yahêv abô lôklokwaŋ hadêŋ môlô <sup>16</sup>ek nômô avômalô takêŋ lôk avômalô takatu ba ethak idum Wapômbêŋ anêŋ ku vibij. <sup>17</sup>Ya miŋ yahamô haviŋ môlô ami ba yaleŋ hik ya bêŋ anôŋ. Ma dorŋtom Stepanas lo Potunatus ma Akaikus lêk êlêm ba intu yaleŋ halôk bij <sup>18</sup>lôk yaleŋ mavi. Ma môlô aêŋ iyom. Aêŋ ba noja ŋê anêŋ aêŋ thô êtôm ŋê athêŋ bêŋ.

#### Abô anêŋ daŋ

<sup>19</sup><sup>i</sup>Avômalô êvhaviŋ anêŋ plovinŋ Esia êv iniŋ leŋiŋmavi hadêŋ môlô. Akwila lo Plisila enaŋ iniŋ leŋiŋhaviŋ anôŋ hathak Anyô Bêŋ anêŋ athêŋ lôk avômalô vi atu ba êv yeŋ êmô thai iniŋ unyak. <sup>20</sup>Ŋê êvhaviŋ lôkthô anêŋ loŋ êntêk êv iniŋ leŋiŋmavi hadêŋ môlô. Ma nokam am esak kobom yôhók matheŋ.

<sup>21</sup>Ya Pol da yahato yaleŋmavi êntêk hathak ya da yabaheŋ.

<sup>22</sup><sup>j</sup>Anyôla miŋ lahaviŋ Anyô Bêŋ ami, vovaŋ tem êpôm yani. Ôlêm, Anyô Bêŋ.

<sup>23</sup>Anyô Bêŋ Yisu anêŋ wapôm êmô imbiŋ môlô.

<sup>24</sup>Yenaŋ yaleŋhaviŋ êmô imbiŋ môlô lôkthô esak Yisu Kilisi anêŋ athêŋ.

---

<sup>i</sup> 16:19 Ap 18:2,18,26    <sup>j</sup> 16:22 Gal 1:8-9; ALK 22:20